



全
校
水
經
注

ル 5
134
7





呂
134
夕

水經注第二十一

范陽酈道元注

鄞全祖望校

布政使銜浙江甯紹台兵備道無錫薛福成校刊

渠水

渠出滎陽北河東南過中牟縣之北

風俗通曰渠者水所居也渠水自河與沛

今按戴作濟下同

亂流東逕滎澤北東南分沛歷中牟縣之圃田澤北

與陽武分水

澤多麻黃草故述征記曰踐縣境便覩斯卉窮則

知踰界今雖不能然諒亦非謬詩所謂東有圃草

也皇武子曰鄭之有原圃猶秦之有具囿

全水經注卷二十一 渠水

澤在中牟縣西限長城東極官渡北佩渠水東西

四十許里南北一百今按戴作二百許里中有沙岡上

下二十四浦津流徑今按趙作逕通淵潭相接各有名焉

有大漸今按趙作斬下同小漸大灰小灰義魯練秋大白楊

小白楊散嚇禺中羊圈大鵠小鵠龍澤密羅大哀小

哀大長小長大縮小縮伯邱大蓋牛眠今按戴作眼等浦

水盛則北注渠溢則南播故竹書紀年梁惠成王十

年入河水于甫田又為大溝而引甫水者又有一

瀆自酸棗受河道自漢今按戴作濮瀆歷酸棗逕陽武縣

南出世謂之十字溝而屬于渠或謂是瀆為梁惠之

年所開而不能詳也斯浦乃水澤之所鍾為鄭隰之

淵藪矣渠水右合五池溝今按戴重一溝字上承澤水下流

入今按戴作注渠謂之五池口

魏嘉平三年司馬懿帥中軍討大尉王凌于壽春

自彼而還帝使侍中韋誕勞軍於五池者也今其

地為五池鄉矣

渠水又東不家溝水注之水出京縣東南梅山北谿

春秋襄公十八年楚蔣子馮公子格率銳師侵費

右迴梅山杜預曰在密東北即山也

其水自谿東北流逕管城西

故管國也周武王今按趙無此字以封管叔矣成王幼弱

周公攝政管叔流言曰公將不利於孺子公賦鴟

鴟以伐之即東山之師今按趙作詩是也左傳宣公十

二年晉師救鄭楚次管以待之杜預曰京縣東北

有管城者是也俗謂之管水

又東北分爲二水一水東北流注黃雀溝謂之黃淵

淵周今按戴無此字百步其一水東越長城東北流水積

爲淵南北二里東西百步謂之百尺水北入圃田澤

分爲二水一水東北逕東武強城北

漢書曹參傳擊羽嬰于昆陽追至葉還攻武強因

至滎陽辭瓚云按武強城在陽武縣即斯城也漢

高帝六年封騎將莊不識爲侯國按本表不詳其地胡三省曰廣

川謬也

又東北流左注于渠爲不家水口也一水東流又屈

而南轉東南注白溝也渠水又東清池水注之清池

今按戴無此二字水出清陽亭西南平地東北流逕清陽亭

南東流

即故清人城也詩所謂清人在彭彭爲高克邑也

故杜預春秋釋地云中牟縣西有清陽亭是也

清今按趙有池字水又屈而北流至清口澤七虎澗水注之

水出華城南岡一源兩派津川趣別西入黃雀溝東

為七虎谿

梓材按朱謀埠本作西入黃崖溝趙氏刊誤引全氏云此即濟水注之黃雀溝鄭國

別有黃崖溝非此溝也亦謂之為華水也又東北流

紫光溝水注之水出華陽城東北而東流俗名曰紫

光澗又東北注華水華水又東逕裴城北

即北林亭也春秋文公與鄭伯宴于裴林子家賦

鴻雁者也春秋宣公元年諸侯會于裴林以伐鄭

楚救鄭遇于北林服虔曰北林鄭南地也京相璠

曰今滎陽苑陵縣有故林鄉在新鄭北故曰北林

也余按林鄉故城在新鄭東北今按戴無此字如北七十

許里苑陵故城東南五十許里不得在新鄭北也

考京服之說並為疏矣杜預云滎陽中牟縣西南

有林亭在鄭北今是亭南去新鄭縣故城四十許

里蓋以南有林鄉亭故杜預據是為北林最為密

矣又以林鄉為裴亦或疑焉諸侯會裴楚遇于此

寧得知不在是而更指他處也積古之傳事或不

謬矣

又東北逕鹿臺南岡北出為七虎澗東流期水注之

水出期城西北平地世號龍淵水東北流又北逕期

城西又北與七虎澗合謂之虎谿水亂流東注逕期

城北東會清口水司馬彪郡國志曰中牟有清口水

即是水也清水又東北白溝水注之水有二源北水

出密之梅山東南而東逕靖城南與南水合南水出

今按趙無此字太山今按趙而有屈合二字作水西北流至靖城南左注

北水即承水也山海經曰承水出太山之陰東北流

注于役水者也世今按戴有亦字謂之靖澗水也今按戴無此字又

東北流太水注之水出太山東平地山海經曰太水

出于東太山之陽而東南流注于役水世謂之禮水

也東北逕武陵城西東北流注于承水今按戴承水二字又

東北入黃盞澗北逕中陽城西

城內有舊臺甚秀臺側有陂池池水清潔

澗水又東屈逕其城北

竹書紀年梁惠成王十七年鄭釐侯來朝中陽者

也

其水東北流為白溝又東北逕伯禽城北

蓋伯禽之魯往逕所由也

屈而南流東注于清水

即潘岳都鄉碑所謂自中牟故縣以西西至于清

溝指是水也

亂流東逕中牟宰魯恭祠南

漢和帝時右扶風魯恭字仲康以太尉掾遷中牟令政專德化不任刑罰吏民敬信蝗不入境河南尹袁安疑不實使部椽肥親按行之恭隨親行阡陌坐桑樹下雉止其傍有小兒親曰兒何不擊雉曰將雛親起曰蟲不入境一異化及鳥獸二異豎子懷仁三異久留非優賢請還是年嘉禾生縣庭安美其治以狀上之徵博士侍中車駕每出恭常陪乘上顧問民政無所隱諱故能遺愛自古祠亭來今矣

清溝水又東北逕沈清亭

據沈炳異校補亭字。今按戴本依補。

疑卽博浪亭也服虔曰博浪陽武沙水二今按戴字而有南地二字名也今有亭所未詳也歷博浪澤昔張良爲韓鄒仇于秦以金椎擊秦始皇不中中其副車于此

又北分爲二水枝津東注清水清水自枝流北注渠謂之清溝口渠水又左逕陽武縣故城南東爲官渡水又逕曹太祖壘北

有高臺謂之官渡臺渡在中牟故世又謂中牟臺建安五年太祖營官渡袁紹保陽武紹連營稍前依沙堆爲屯東西數十里公亦分營相禦合戰不

利紹進臨官渡起土山地道以逼壘公亦起高臺以捍之即中牟臺也今臺北土山猶在山之東悉紹舊營遺基並存

渠水又東逕田豐祠北

袁本初慙不納其言害之時人嘉其誠謀無辜見戮故立祠于是用表袁氏覆滅之宜矣

又東役水注之水出苑陵縣西隙侯亭東

世謂此亭為卻城非也蓋隙卻聲相近耳

中平陂世名之渥泉也即古役水矣山海經曰役山役水所出北流注于河疑是水也東北流逕苑陵縣

故城北東北流逕焦城東陽邱亭西世謂之焦溝水

竹書紀年梁惠成王十六年秦公孫壯率師伐鄭

圍焦城不尅即此城也俗謂之驛城非也

役水自陽邱亭東流逕山民今按趙作氏下同城北為高榆

淵

竹書紀年梁惠成王十六年秦公孫壯率師城上

枳安陵山民者也

又東北為酢溝又東北魯溝水出焉役水又東北渥

溝水出焉又東北為八丈溝又東清水枝津注之水

自沈城東派注于役水今按戴重又東逕曹公壘南

東與沫水合山海經云沫今按趙作末山沫水所出北流

注于役今是水出中牟城西南疑即沫水也東北流

逕中牟縣故城南今按戴作西

昔趙獻侯自耿都此班固云趙自邯鄲徙焉趙襄

子時佛肸以中牟叛置鼎于庭不與已者烹之田

英將蹇裳赴鼎處也僻瓚注漢書云中牟在春秋

之時為鄭之疆今按戴作堰也及三卿分晉則在魏之

邦土趙自漳北不及此也春秋傳曰衛侯如晉過

中牟非衛適晉之次也汲郡古文曰齊師伐趙東

鄙圍中牟此中牟不在趙之東也按中牟當在濕

今按戴作漂下同水之上矣按春秋齊伐晉夷儀晉車干

乘在中牟衛侯過中牟中牟人欲伐之衛褚師固

亡在中牟曰衛雖小其君在未可勝也齊師尅城

而驕遇之必敗乃敗齊師服虔不列中牟所在杜

預曰今滎陽有中牟迴遠疑為非也然地理參差

士無常域隨其疆弱自相吞并疆理留今按戴作流移

寧可一也兵車所指逕紆難知自魏徙大梁趙以

中牟易魏故趙之南界極于浮水匪直專漳也趙

自西取後止中牟齊師伐其東鄙于宜無嫌而瓚

但逕今按戴作徑指濕水趙氏朱箋刊誤云而瓚下全氏校增但字空言中牟

所在非論證也

有河南之中牟有河北之中牟張守節以鄴西山為趙中牟者近

之管子所謂築五鹿中牟鄴者三城相接也然則非獨滎陽有之矣。趙本引全氏校語漢高

帝十一年封單父聖為侯國

沐水又東北注于役水

昔魏太祖之背董卓也間行出中牟為亭長所錄

郭長公世語為縣所拘功曹請釋焉

役水又東北逕中牟澤

即鄭太叔攻荏蒲之盜于是澤也

其水東流北屈注渠水

今按戴無此字

續述征記所謂自醬魁城到酢溝十里者也

渠水又東流而左會淵水其水上承聖女陂陂周二百餘步水無耗竭湛然清滿而南流注于渠渠水又東南而注大梁也

又東至浚儀縣

渠水東南逕赤城北

戴延之所謂西北有大梁亭非也竹書紀年梁惠

成王二十八年穰苴

今按戴作疵

率師及鄭孔夜戰于

梁赫鄭師敗逋即此城也

左則故瀆出焉秦始皇二十年王賁斷故渠引水東南出以灌大梁謂之梁溝又東逕大梁城南

本春秋之陽武高陽鄉也于戰國為大梁周梁伯之故今按趙無此字居矣梁伯好士功大其城號曰新里

民疲而潰秦遂取焉後魏惠王自安邑徙都之故曰梁耳竹書紀年梁惠成王六年四月甲寅徙都

于大梁是也顧炎武曰左傳桓九年梁伯伐曲沃

秦而幸焉是也漢書地理志云馮翊夏陽故少梁也水經注乃誤以少梁為大梁而不知大梁不近秦也後漢志河南尹梁故國伯翳後註引博物記云梁伯好士功今梁多有城亦誤。按少梁左傳文十年晉所取秦邑也漢志河南郡梁縣臣瓚曰此梁周之小邑見於春秋蓋即指楚人侵梁及霍之梁在戰國為南梁蓋大梁在浚儀少梁在夏陽南梁在汝水之傍三梁不可混也。並從趙本錄入秦滅魏以為縣漢文帝封孝王于梁孝王以土

地下溼東都睢陽又改曰梁自是置縣以大梁城

廣居其東城夷門之東夷門即侯嬴抱關處也續

述征記以此城為師曠城言郭緣生曾遊此邑踐

夷門升吹臺終古之迹緬焉盡在余謂此乃梁氏

之臺門魏惠之都今按趙作朝居非吹臺也當是誤證

耳西征記論儀封人即此縣又非也竹書紀年梁

惠成王三十一年三月為大溝于北郭以行圃田

之水陳留風俗傳曰縣北有浚水像而儀之故曰

浚儀余謂故汴今按戴作汴沙為陰溝矣趙氏朱箋刊

下落為字全氏校增浚之故曰浚其猶春秋之浚今按戴趙並依增

洙乎漢氏之浚儀水

梓材按舊本多作漢氏之儀水朱箋曰一作浚儀水趙氏

刊誤云此下有錯簡孫潛依柳僉鈔本改正浚儀水

水下接無佗也至所謂東汜者也下接又東北逕

中牟縣南至楚東有沙水謂此水也止本條浚儀

縣注盡此次行接又屈南至扶溝縣北經文玉海

二十一卷浚儀渠下引水經注云浚儀縣竹書紀

年梁惠成王三十一年三月為大溝于此郭以行

圃田之水陳留風俗傳曰縣北有浚水像而儀之

故曰浚儀續述征記曰汴沙到浚儀而分汴東注

沙南流雖于字句有芟節然續述征記之文次于

陳留風俗傳之下足證柳本較朱箋為長全氏跋

柳氏水經校本謂其改正錯簡如賴水篇渠水篇

瀕水篇皆大有功所謂渠水篇即此改正浚儀縣

注文也今從趙本無佗也皆變名矣其國多池沼

次定注文如後

時池中出神劍到今其民像而作之號大梁氏之

劍也

渠水又北屈分為二水續述征記曰汴今按戴作沙

到浚儀而分也汴東注沙南流其水更南流逕梁王

吹臺東

陳留風俗傳曰縣有倉頡師曠城上有列仙之吹

臺北有牧澤澤今按趙中出蘭蒲土今按戴多雋

髦衿帶牧澤方一今按戴十五里俗謂之蒲關澤

即謂此矣梁王增築以為吹臺城隍夷滅略存故

迹今層臺孤立于牧澤之右矣其臺方一今按戴

百許步即阮嗣宗詠懷詩所謂駕言發魏都南向

全宋文卷三 渠水 七

憑居削隳

今按戴作墮

故基遂成二層上基猶方四五

十步高一丈餘世謂之乞活臺又謂之婆

今按戴作繁

臺城

渠水于此有陰溝鴻溝之稱焉

項羽與漢高分王指是水以為東西之別故蘇秦

說魏襄王曰大王之地南有鴻溝是也故尉氏縣

有波鄉波亭鴻溝鄉鴻溝亭皆藉水以立稱也今

如蕭縣西亦有鴻溝亭梁國睢陽縣東有鴻口亭先

後談者亦指此以為楚漢之分王非也蓋春秋之

渠所謂紅澤者矣

渠水右與汜水合水上承役水于苑陵縣

縣故鄭都也王莽之左亭縣也

役水枝津東派為汜水者也而世俗謂之堽溝水也

春秋左傳僖公三十年晉侯秦伯圍鄭晉軍函陵

秦軍汜南所謂東汜者也

其水又東北逕中牟縣南又東北逕中牟澤與淵水

合水出中牟縣故城北

城有層臺按郭長公

今按趙本長公作頽

世語及干寶晉紀

並言中牟縣故魏任城王臺下池中有漢時鐵長

六尺入地三尺頭西南指不可動正

今按趙作至

月朔

自正以為晉氏中興之瑞而今不知所在或言在中陽城池臺未知焉是

淵水自池西出屈逕其城西而東南流注于汜汜水又東逕大梁亭南又東逕梁臺南東注渠渠水又東南流逕開封縣睢渙二水出焉右則新溝注之其水出逢池池上承役水于苑陵縣別為魯溝水東南流逕開封縣故城北

漢高帝十一年封陶舍為侯國也陳留志稱阮簡字茂弘為開封令縣側有劫賊外白甚急數簡按今趙作阮下同方圍棊長嘯吏云劫急簡曰局上有劫亦

甚急其耽樂如是故語林曰王中郎以圍棊為坐隱或亦謂之為手談又謂之為棊聖

魯溝南際富城東南入百尺陂

即古之逢澤也徐廣史記音義曰秦使公子少官

率師今按趙無此七字而有孝公二字會諸侯於今按戴無此字逢澤陂

今按戴無此字汲郡墓竹書紀年作秦孝公會諸侯于今按趙無此逢澤斯其處也故應德璉西征賦曰鸞衡

東指弭節逢澤

其水東北流為新溝新溝又東北流逕牛首鄉北謂之牛建城又東北注渠即沙水也

音蔡許慎正作沙音言水散石也從水少水今按戴有

少字沙見矣

楚東有沙水謂此水也

又屈南至扶溝縣北

沙水又東南逕牛首鄉東南魯溝水出焉亦謂之宋溝也又逕陳留縣故城南

孟康曰留鄭邑也後為陳所并故曰陳留矣

魯溝水又東南逕圍縣故城北

縣苦楚難修其干戈以圍其患故曰圍也或曰邊陲之號矣

歷萬人散

王莽之篡也東郡太守翟義興兵討莽莽遣奮威將軍孫建擊之于圍北義師大敗尸積萬數血流溢道號其處為萬人散百姓哀而祠之

又歷魯溝亭又東南至陽夏縣故城西

漢高祖六年封陳豨為侯國

魯溝水今按戴無此字又南入渦今無水也沙水又東南逕

斗城西

左傳襄公三十年子產殯伯有尸其臣葬之于是

城今按戴無此字也

沙水又東南逕牛首亭東

左傳桓公十四年宋人與諸侯伐鄭東郊取牛首者也俗謂之車牛城矣

沙水又東南八里溝水出焉又東南逕陳留縣裘氏鄉裘氏亭西又逕澹臺子羽冢東與八里溝合

按陳留風俗傳曰陳留縣裘氏鄉有澹臺子羽冢又有子羽祠民祈禱焉京相璠曰今泰山南武城縣有澹臺子羽冢縣人也不知孰是因其方志所敘就記纏絡焉

溝水上承沙河而西南流逕牛首亭南與百尺陂水

合其水自陂南逕開封城東三里岡左屈而西流南轉注八里溝又南得野兔水口水上承西南兔氏亭北野兔陂

鄭地也春秋傳云鄭伯勞屈生于兔氏者也

陂水東北入八里溝八里溝水又南逕石倉城西又南逕兔氏亭東又南逕召陵亭西東入沙水沙水南逕扶溝縣故城東

縣即潁川之穀平鄉也有扶亭又有洧水溝故縣有扶溝之名焉建武元年漢光武封平狄將軍朱鮪為侯國

沙水又東與康溝水合水首受涓水於長社縣東東
北逕向岡西

卽鄭之向鄉也

後人過其上口今水盛則北注水耗則輟流又西今按
戴作長明溝水注之水出苑陵縣故城西北

縣有二城此則西城也二城以東悉多陂澤卽古
制澤也京相璠曰鄭地杜預曰澤在滎陽苑陵縣
東卽春秋之制田也

故城西北平地出泉謂之龍淵泉淵今按戴水流逕
陵邱亭西又西重泉水注之水出城西北平地泉湧

南流逕陵邱亭西西南注龍淵水龍淵水又東南逕
凡陽亭西而南入白雁陂陂在長社縣東北東西七
里南北十里在林鄉之西南

司馬彪郡國志曰苑陵有林鄉亭

白雁陂又引瀆南流謂之長明溝東轉北屈又東逕
向城北

城側有向岡左傳襄公十一年諸侯伐鄭師于向
者也

又東右迤爲染工今按戴陂而東注于蔡澤陂長明
溝水又東逕尉氏縣故城南

圈稱云尉氏鄭國之東鄙弊獄官名也鄭大夫尉

氏之邑故欒盈曰盈將歸死于尉氏也欒孺子所對周尉氏

之官也善長以此證鄭尉氏之邑則誤矣。趙本引全氏校語

溝瀆自是三分北分爲康溝東逕平陸縣故城北

高后元年封楚元王子禮爲侯國按漢志陳留無平陸索隱曰西

河東平皆有之胡三省曰當是東平以近楚也善長之言有失。趙本引全氏曰按本表是景帝所

封索隱曰西河又云東平陸在東平胡三省曰東平近楚爲得之建武元年以戶

不滿三千罷爲尉氏縣之陵樹鄉又有陵樹亭漢

建安中封尙書荀攸爲陵樹鄉侯故陳留風俗傳

曰陵樹鄉故平陸縣也

北有大澤名曰長樂廡康溝今按趙有水字下同又東逕扶溝

縣之白亭北

陳留風俗傳曰扶溝縣有帛鄉帛亭名在七鄉十

二亭中

康溝又東逕少曲亭

陳留風俗傳曰尉氏縣有少曲亭俗謂之爲小城

也

又東南逕扶溝縣故城東而東南注沙水沙水又南

會南水其水南流又分爲二水一水南合今按戴關作逕

亭東又東南流與左水合其水自枝瀆南逕召陵亭

西

疑卽扶溝之亭也

而東南合右水世以是水與鄢陵陂水雙導亦謂之雙溝又東南入沙水沙水南與蔡澤陂水合水出鄢陵城西北

春秋成公十六年晉楚相遇于鄢陵呂錡射中其王目王召養由基使射殺之亦子反醉酒自斃處也陂東西五里南北十里

陂水東逕匡城北

城在新汲縣之東北卽扶溝縣之匡亭也亭在匡

城鄉春秋文公元年諸侯朝晉衛成公不朝使孔達侵鄭伐縣訾及匡卽此邑也今陳留長垣縣南有匡城卽平邱之匡亭也襄邑又有承匡城然匡居陳衛之間亦往往有異邑矣

陂水又東南至扶溝城北又東南入沙水沙水又南逕小扶城西而東南流也

城卽扶溝縣之平周亭東漢和帝永元中封陳敬王子參爲侯國

沙水又東南逕大扶城西

城卽扶樂故城也城北二里有袁梁今按戴作良下同碑

云梁陳國扶樂人後漢世祖建武十七年更封劉隆為扶樂侯即此城也

渦水于是分焉不得在扶溝北便分為二水也

其一者東南過陳縣北今按趙作也

沙水又東南逕東華城西又東南沙水枝瀆西南達洧謂之甲庚溝今無水沙水又南與廣漕渠合上承龐官陂云鄧艾所開也雖水流廢興溝瀆尚夥昔賈逵為魏豫州刺史通運渠二百里餘亦所謂賈侯渠也而川渠逕復交錯眈陌無以辨之沙水又東逕長平縣故城北又東南逕陳城北

故陳國也伏羲神農並都之城東北三十許里猶

有羲神實中趙氏朱箋刊誤云猶有羲神實中箋曰謝朓申云當作羲城按全氏云非也神即祠也

今按戴作城舜後媯滿為周陶正武王賴其器

用妻以元女太姬而封諸陳以備三恪太姬好祭

祀故詩所謂坎其擊鼓宛邱之下宛邱在陳城南

道東王隱云漸欲平今不知所在矣楚討陳殺夏

徵舒于栗門以為夏州後城之東門內有池池水

東西七十步南北八十許步水至清潔而不耗竭

不生魚草水中有故臺處詩所謂東門之池也城

內有漢相王君造四縣邸碑文字剝落今按戴作缺不

可悉識其略曰唯茲陳國故曰淮陽郡云云王君

今按戴無此二字清惠著聞為百姓畏愛求賢養士千有

餘人賜與田宅吏舍自損俸錢助之成邸五官掾

西華陳騏等二百五人以延熹二年云云故其頌

曰修德立功四縣回附今碑之左右遺墟尚存基

礎猶在時人不復尋其碑證云孔子廟學非也後

楚襄王為秦所滅徙都于此文穎曰西楚矣三楚

斯其一焉城南郭裏又有一城名曰淮陽城子產

所置也漢高祖十一年以為淮陽國王莽更名郡

為今按趙無此二字新平縣曰陳陵故豫州治

王隱晉書地道記云城北有故沙名之為死沙而今

水流津通漕運所由矣沙水又東而南屈逕陳城東

謂之百尺溝又南分為二水新溝今按趙無此字水出焉溝

水東南流谷水注之水源上承澇陂在陳城西北南

暨犖城皆為陂矣陂水東流謂之谷水東逕澇城北

王隱曰犖北有谷水是也

犖即檉矣經書公會齊侯于檉者也杜預曰檉即

犖也在陳縣西北為非檉小城也在陳郡西南

谷水又東流今按戴無此字逕陳城南又東流入于新溝水

今按趙無此三字而有入於沙沙水五字又東南流今按戴無此字注于穎謂之

交口水次有大堰即古百尺堰也

魏書國志曰司馬宣王討太尉王凌大軍掩至百

尺塌即此塌也今俗呼之為山陽堰非也

蓋新水首受潁于百尺溝

今按此下趙有王莽名郡為新平七字是上文重出

者故堰兼有新陽之名也以是推之悟故俗謂之非

矣

又東南至汝南新陽縣北

沙水自百尺溝東逕寧平縣之故城南

水晉陽秋稱晉太傅東海王越之東莽也石勒追之

潰尸于此數十萬眾歛手受害勒縱騎圍射尸積

如山王夷甫死焉余謂俊者所以智勝羣情辨者

所以文身祛惑夷甫雖體荷雋令口擅雌黃汗辱

君親獲罪羯勒史官方之華王諒為衰矣

沙水又東積而為陂謂之陽都陂明水注之水上承

沙水枝津東出逕汝南郡之宜祿縣故城北

王莽之賞都亭也

明水又東北流注于陂陂水東南流謂之細水又東

逕新陽縣北又東高陂水東出焉沙水又東分為二

水即春秋所謂夷濮之水也枝津北逕譙縣故城西

側城入渦沙水東南逕城父縣西南枝津出焉俗謂

之章今按趙作漳水也今按戴無此字一水東注即濮水也俗謂

之父今按戴作艾水也今按戴無此字東逕城父縣之故城南東

今按趙作東南流注之今按戴作也

又東南過山桑縣北

山桑故城在渦水北沙水不得逕其北明矣經言過北誤也

又東南過龍亢縣南

沙水逕故城北又東南逕白鹿城北而東注也

又東南過義城今按戴作成下同縣西南入於淮

義城縣故屬沛後隸九江

沙水東流注于淮謂之沙汭

又京相璠曰楚東地也春秋左傳昭公二十七年楚令尹子常以舟師及沙汭而還杜預曰沙水名也

陰溝水

陰溝水出河南陽武縣蕩蕩今按趙作蕩渠

陰溝首受大河於卷縣故瀆東南逕卷縣故城南又東逕蒙城北

史記秦莊襄王元年蒙驁擊取成臯滎陽初置三川郡疑即驁所築也于事未詳

故瀆東分爲二世謂之陰溝水

京相璠以為出河之濟又非所究

俱東絕濟隧右瀆東南逕陽武城北今按趙有又字東南絕

長城逕安亭北又東北會左瀆左瀆又東絕長城逕

垣雍城南

昔晉文公戰勝于楚周襄王勞之于此故春秋書

甲午至于衡雖作王宮于踐土呂氏春秋曰尊天

子于衡雍者也郡國志曰卷縣有垣雖城即史記

所記韓獻秦垣雖是也

又東逕開光亭南又東逕清陽亭南又東合右瀆又

東南逕封邱縣絕濟瀆東南至大梁合滎蕩今按趙作蕩下

同渠梁溝既開滎蕩渠故瀆實兼陰溝浚儀之稱故

云出陽武矣東南今按趙無此三字逕大梁城北左屈與梁

溝合俱東南流同受鴻溝沙水之目其川流之會左

瀆東導者即汲水也蓋津源之變名矣故經云陰溝

出滎蕩渠今按趙有者字也

東南至沛為過水

陰溝始亂滎蕩終別于沙而過水出焉過水受沙水

于扶溝縣今按此下戴有許慎又曰過水首受淮陽扶溝縣滎蕩渠有得至沛方為過水也二

十五字是依全氏校爾雅曰過為洵郭景純曰大水

溢今按戴作沃其出別為小水也呂忱曰洵過水也

過水逕大扶城西

城之東北悉諸袁舊墓碑字傾低羊虎碎折惟司徒滂蜀郡太守騰博平令光碑字所存惟此自餘始不可尋

過水又東南逕陽夏縣西又東逕邈城北

城實中而西有堞今按戴郭作隙

過水又東逕大棘城南

故鄆之大棘鄉也春秋宣公二年宋華元與鄭公子歸生戰于大棘獲華元左傳曰華元殺羊食士其御羊斟不與及戰曰今按以上九字戴本作騰不及其御將戰羊斟曰騰

者之羊子為政今日之事我為政遂御入鄭故見

獲也後其地為楚莊今按趙無此字所并故園稱曰大棘

楚地有楚太子建之墳及伍員釣臺池沼具存梓

按朱謀埠本作大棘也地趙氏刊誤引全氏云也地當作楚地。今按戴趙並依此改

過水又東逕安平縣故城北

陳留風俗傳曰大棘鄉故安平縣也士人敦養易以統御

過水又東逕鹿邑城北

世謂之虎鄉城非也春秋之鳴鹿矣杜預曰陳國武平西南有鹿邑亭是也城南十里有晉中散大

夫胡均碑元康八年立過水之北有漢温令許續碑續字嗣公陳國人也舉賢良拜議郎遷温令延熹中立

過水又東逕武平縣故城北

城之西南七里許有漢尚書令虞詡碑碑題云虞君之碑諱詡字定安虞仲之後為朝歌令武都太守文字多缺不復可尋按范曄漢書詡字升卿陳國武平人祖為縣獄吏治存寬恕嘗曰于公為里門子為丞相吾雖不及于公子孫未必不為九卿故字詡曰升卿定安蓋其幼字也魏武王初封于

此終以武平華夏矣

過水又東逕廣鄉城北

谷圈稱曰襄邑有蛇邱亭故廣鄉矣改曰廣世後漢順帝陽嘉四年封侍中摯填為侯國即廣鄉也

過水又東逕苦縣西南分為二水枝流注于東北

今按

此四字戴作

賴城入谷謂死過也過水又東南屈逕

苦縣故城南

郡國志曰春秋之相也王莽更名之曰賴陵矣城之四門列築馳道東起賴鄉南自南門越水直指故臺西面南門列道徑趣廣鄉道西門馳道西屈

武平北門馳道暨于北臺

過水又東北屈至賴鄉西谷水注之谷水首受渙水
干襄邑縣東逕承匡城東

春秋經書夏叔

今按戴有仲字

彭生會晉卻缺于承匡左

傳曰謀諸侯之從楚也

傳文是謀諸侯之從楚者今鈔變作也字則其義乖

矣○趙本引全氏校語○今按戴依此徑改者字

京相璠曰今陳留襄邑

西三十里有故承匡城

谷水又東南逕已吾縣故城西

陳留風俗傳曰縣故宋也雜以陳楚之地故梁國
寧陵縣之徙種龍鄉也以成哀之世戶至八九千

冠帶之徒求置縣矣永元十一年陳王削地以大
棘鄉直陽鄉十二年自陽隸之命以嘉名曰已吾
猶有陳楚之俗焉

谷水又東逕柘縣故城東

地理志淮陽之屬縣也城內有柘令許君清德頌
石碎字篆惟此文見碑城西南里許有漢陽臺令
許叔種碑光和中立又有漢故樂城陵令太尉掾
許嬰碑嬰字虞卿司隸校尉之子建寧元年立餘
碑文字碎滅不復可觀當似司隸諸碑也

谷水又東逕苦縣故城中水泛則四周湟漚耗則孤

津獨逝谷水又東逕賴鄉城南

其城實中東北隅有臺偏高俗以是臺在谷水北其城又謂之谷陽臺非也

谷水自此東入過水過水又北逕老子廟東

廟前有二碑在南門外漢桓帝遣宦今按戴官管

霸祠老子命陳相邊韶撰文今按趙碑北有雙石

闕甚整頓石闕側魏文帝黃初三年逕今按戴譙

所勒闕北東側有孔子廟廟前有一碑西面是陳

相魯國孔疇建和三年立北則老君廟廟東院中

有九井焉又北過水之側又有李母廟廟在老子

廟北廟前有李母冢冢東有碑是永興元年譙令

長沙王阜所立碑云老子生于曲過間

許慎又云過水首受淮陽扶溝縣蒗蕩渠不得至沛

方為過水也此二十五字疑是上文扶溝縣下之錯簡今次于此是不比也○趙本引全氏

校語○今按戴依全移置過水又屈東逕相縣故城南

其城卑小實中邊韶老子碑文云老子楚相縣人

也相縣虛荒今屬苦故城猶存在賴游今按戴無此字鄉

之東澹水處其陽然均作疑即此城也自是無

郭以應之

過水又東逕譙縣故城北

春秋左傳僖公二十二年楚成得臣帥師伐陳遂取譙城頓而還也是也王莽之延成亭也魏立譙郡
沈州治

沙水自南枝分北逕譙城西而北注過

過水四周城側城南有曹嵩冢冢北有碑碑北有廟堂餘基尙存柱礎仍在廟北有二石闕雙峙高一丈六尺椽櫺及柱皆雕鏤雲矩今按趙上學恩已碎闕北有圭碑題云漢故中常侍長樂太僕特進費亭侯曹君之碑延熹三年立碑陰又刊詔策二碑文同夾碑東西列對兩石馬高八尺五寸石

作粗拙不匹光武隧道所表象馬也有兄騰今按戴趙均作

騰兄冢東有碑題云漢故潁川太守曹君墓延熹九年卒而不刊樹碑歲月墳北有其元子熾冢冢東有碑題云漢故長水校尉曹君之碑歷大中大夫司馬長史侍中遷長水年三十九卒熹平六年造熾弟胤冢冢東有碑題云漢謁者曹君之碑熹平六年立城東有曹太祖舊宅所在負郭對廛側隍臨水魏書曰太祖作議郎告疾歸鄉里築室城外春夏習讀書傳秋冬射獵以自娛樂文帝以漢中平四年生于此上有青雲如車蓋終日乃解卽

是處也後文帝以延康元年幸譙大饗父老立壇於故宅壇前樹碑碑題云大饗之碑碑之東北過水南有譙定王司馬士會冢冢前有碑晉永嘉三年立碑南二百許步有兩石柱高丈餘半下為束竹交文作制極工今按趙工作工巧石勝云晉故使持節散騎常侍都督揚州江州諸軍事安東大將軍譙定王河南溫司馬公墓之神道

過水又東逕朱龜墓北東南流

冢南枕道有碑碑題云漢故幽州刺史朱君之碑龜字伯靈光和六年卒官故吏別駕從事史右北

平無終年化中平二年造碑陰刊故吏姓名悉薊涿及上谷北平等入

過水東南逕層邱北

邱阜獨秀巍然介立故壁壘所在也

過水又東南逕城父縣故城北沙水枝分注之水上

承沙水于思善縣世謂之章今按趙作漳下同水故有章頭

之名也東北流逕城父縣故城西側城東北流入于

過過水又東逕下城父北

郡國志曰山梁縣有下城父聚者也

過水又屈逕其聚東郎山西又東南屈逕郎山南

山東有垂惠聚世謂之禮城袁山松郡國志曰山
柔縣有垂惠聚即此城也

過水又東南逕過陽城北

臨側過水魏太和中為過今按趙州治以蓋表為

刺史後罷州立郡衿帶過戍

過水又東南逕龍亢縣故城南

漢建武十三年世祖封傅昌為侯國沈炳異曰按本傳昌由昆

陽徙蕪湖不聞為龍亢也故語曰沛國龍亢至山柔者也

過水又屈而南流出石梁梁石崩禿夾岸積石高二

丈水懸其間又東南流逕荆山北今按趙無此字而東流注

也

又東南至下邳淮陵縣入于淮

過水又東左合北肥水北肥水出山桑縣西北澤藪

東南流左右冀佩數源異出同歸蓋微脈涓注耳東

南流逕山桑邑南

俗謂之北平城昔文欽之封山桑侯疑食邑于此

城東南有一碑碑文悉破無驗惟碑背故吏姓名

尚存熹平元年義士門生沛國蕭劉定與立

北肥水又東逕山桑縣故城南

俗謂之都亭城今按戴無此字非也今城內東側猶有山

亭築立陵阜高峻非洪臺所擬十三州志所謂山

生于邑其庭今按敷作亭有桑因以氏縣者也郭城東

有文穆冢碑三世二千石穆郡戶曹史徵試博士

太常丞以明氣候擢拜侍中右中郎將遷九江彭

城陳留三今按趙郡光和中卒故吏涿郡太守彭

城呂虔等立

北肥水又東積而為陂謂之瑕陂陂水又東南逕瑕

城南

春秋左傳成公十六年楚師還及瑕即此城也故

京相璠曰瑕楚地

北肥水又東南逕向縣故城南

地理志曰故向國也世本曰許州向申姜姓也炎

帝後京相璠曰向沛國縣今并屬譙國龍亢也杜

預曰龍亢縣東有向城漢世祖建武十三年更封

富波侯王霸為侯國即此城也俗謂之圓城非

又東南逕義城南

世謂之楛城非

又東入于澗澗水又東注淮經言下邳淮陵入淮誤

矣

水經注第二十一終

後學王梓材錄董沛重校

水經注第二十二 范陽酈道元注

鄞全祖望校

布政使銜浙江甯紹台兵備道無錫薛福成校刊

泆水

泆水出陰溝于浚儀縣北

陰溝卽菑蕩渠也亦言泆受旃然水又云丹沁亂流

于武德絕河南入滎陽合泆故泆兼丹水之稱河沛

今按戴水斷泆承旃然而東自王賁灌大梁水出縣

南而不逕其北夏水洪泛則是瀆津通故渠卽陰溝

也于大梁北又曰浚水矣故圈稱著陳留風俗傳曰

浚水逕其北者也又東泆水出焉故經云泆出陰溝

于浚儀縣北也汲水東逕倉垣城南

即浚儀

今按趙作大梁而辨之

縣之倉垣亭也城臨汲水陳

留相畢邈治此征東將軍荀晞之西也邈走歸京

晞使司馬東萊王讚代據倉垣斷留運漕

汲水又東逕陳留縣之鉞鄉亭北

陳留風俗傳曰所謂縣有鉞鄉亭即斯亭也

汲水又逕小黃縣故城南

神仙傳稱靈壽光扶風人死于江陵胡罔家罔殯

埋之後百餘日人有見光于此縣寄書于

今按戴作與

罔罔發視之惟有履存

汲水又東逕鳴雁亭南

春秋左傳成公十六年衛侯伐鄭至於鳴雁者也

杜預釋地云在雍邱縣西北今俗人尚謂之為白

雁亭

汲水又東逕雍邱縣故城北逕陽樂城南

西征記曰城在汲北一里周五里雍邱縣界

汲水又東有故渠出焉南通睢水謂之董生決

或言董氏作亂引水南通睢水故斯水受名焉今

無水

汲水又東枝津出焉

俗名之為洛今按戴作落下同架口西征記曰洛架水名

也續述征記曰在董生決下二里

汲水又逕外黃縣南又東逕莠倉城北

續述征記曰莠倉城去大游墓二十里

又東逕大齊城南

陳留風俗傳曰外黃縣有大齊亭

又東逕科城北

陳留風俗傳曰縣有科稟亭是則科稟亭也

汲水又東逕小齊城南汲水又南逕利望亭南

風俗傳曰故成安也地理志曰今按戴無此字陳留縣今按

趙作舊名漢武帝以封韓延年為侯國按索隱曰表

留謬也陳留有成安潁川亦有成安地志以潁川

為侯國况延年郊人郊正潁川之屬也善長之誤

同索隱然善長于汝水篇潁川郡下已引延年之

封而此篇復出又以為陳留則謬更甚○梓材按

趙本引全氏曰按小司馬曰表在郊志在陳留蓋

疑未能決也予謂延年郊人則潁川之郊是也以

為陳留非也善長亦據本志言之耳此蓋前校語也

汲水又東龍門故瀆出焉

瀆舊通睢水故西征記曰龍門水名也門北有土

臺高三丈餘上方數十步

汲水又東逕濟陽考城縣故城南為菑獲渠

考城縣周之采邑也于春秋為戴國矣左傳隱公

十年秋宋衛蔡伐戴是也漢高帝十一年秋封彭

祖為侯國陳留風俗傳曰秦之穀縣也後遭漢兵

起邑多災年故改曰菑縣王莽更名嘉穀漢今按戴趙

均無此字章帝東巡過縣詔曰陳留菑縣其名不善高

祖鄙柏人之邑世宗休聞喜而顯獲喜應亨吉之

今按戴符梓材案朱箋本作應亨吉元符作元

趙氏刊誤云元全氏校改之嘉皇靈

之顧賜越有光烈考武皇其改菑縣曰考城是瀆

蓋因縣以獲名矣

汲水又東逕寧陵縣之沙陽亭北

故沙隨國矣春秋左傳成公十六年秋會于沙隨

謀伐鄭也杜預釋地曰在梁國寧陵縣北沙陽亭

是也世以為堂城非也

汲水又東逕黃蒿塢北

續述征記曰堂城至黃蒿二十里

汲水又東逕斜城下

續述征記曰黃蒿到斜城五里陳留風俗傳曰考

城縣有斜亭

汲水又東逕周塢側

續述征記曰斜城東三里晉義熙中劉公遣周超

之自彭城緣汲故溝斬樹穿道七百餘里以開水

路停薄今按戴作泊于此故茲塢流稱矣

泗水又東逕葛城北

故葛伯之國也孟子曰葛伯不祀湯問曰何為不祀稱無以供祠祭遺葛伯葛伯又不祀湯又問之曰無以供犧牲湯又遺之又不祀湯又問之曰無以供粢盛湯使亳眾往為之耕老弱饋食葛伯又率民奪之不授者則殺之湯乃伐葛葛于六國屬魏魏襄王今按戴作安釐王以封公子無忌號信陵君其地葛鄉即是城也在寧陵縣西十里

泗水又東逕神坑塢又東逕夏侯長塢

續述征記曰夏侯塢至周塢各相距五里

泗水又東逕梁國睢陽縣故城北而東歷襄鄉塢南

續述征記曰西去夏侯塢二十里東一里即襄鄉

浮圖也泗水逕其南漢熹平中某君所立梓材案朱箋作

漢熹平君所立趙氏刊誤引全氏云錢遵王本熹平下有中某二字從之○今按戴依此補死

因葬之其弟刻石樹碑趙氏朱箋刊誤云弟上落其字全氏校增○今按戴

依此增以旌厥德隧前有師子天鹿累塼作百達柱

八所荒蕪頽毀凋落畧盡矣

又東至梁郡蒙縣為獲今按趙作睢水餘波南入睢陽城中

泗水又東逕貫城南

俗謂之薄城非也闕駟十三州志以為貫城也在蒙縣西北春秋僖公二年齊侯宋公江黃盟于貫杜預以為貫也云貫貫字相似貫在齊謂貫澤也是矣今按趙作以非此也今于此地更無他城在蒙西北惟是邑耳考文準地貫邑明矣非毫可知

汲水又東逕蒙縣故城北

俗謂之小蒙城也西征記城在汲水南十五六里即莊周之本邑也為蒙之漆園吏郭景純所謂漆園有傲吏者也悼惠施之沒杜門于此邑矣汲水自縣南出今無復有水惟睢陽城南側有小水

南流入于睢

睢城南二里有漢太傅掾橋載墓碑載字元賓梁國睢陽人也睢陽公子熹平五年立城東百步有石室刊云漢鴻臚橋仁祠城北五里有石虎石柱而無碑誌不知何時建也

汲水又東逕大蒙城北

自古不聞有二蒙疑即蒙毫也所謂景薄為北毫矣椒舉云商湯有景毫之命者也闕駟曰湯都也毫本帝嚳之墟在禹貢豫州河洛之間今河南偃師城西二十里尸鄉亭是也皇甫謐以為考之事

實學者失之如孟子之言湯居亳與葛爲鄰是卽
亳與葛比也湯地七十里葛又伯耳封域有限而
寧陵去偃師八百里不得童子饋餉而爲之耕今
梁國自有二亳南亳在穀熟北亳在蒙非偃師也
古文仲虺之誥曰葛伯仇餉征自葛始卽孟子之
言是也崔駰曰湯冢在濟陰薄縣北皇覽曰薄城
北郭東三里平地有湯冢冢四方各十步高七
尺上平也漢哀帝建平元年大司空史卻長卿按
行水災因行湯冢在漢屬扶風今徵之迴渠亭有
湯池徵陌是也

按漢志徵屬左馮翊不屬右扶風○趙本引全氏校語

然不

經見難得而詳按秦寧公本紀云二年伐湯三年
與亳戰亳王奔戎遂滅湯然則周桓王時自有亳
王號湯爲秦所滅乃西戎之國葬于徵者也非殷
湯矣劉向言殷湯無葬處爲疑杜預曰梁國蒙縣
北有薄伐城城中有成湯冢其西有箕子冢今城
內有故冢方墳疑卽杜元凱之所謂湯冢者也而
世謂之王子喬冢冢側有碑題云仙人王子喬碑
曰王子喬者蓋上世之真人聞其仙不知興何代
也博問道家或言潁川或言產蒙初建此城則有
斯邱傳承先民曰王氏墓暨于永和之元年冬十

二月當臘之時夜上有哭聲其音甚哀附居者王伯怪之明則祭而察焉時天鴻雪下無人徑有大鳥跡在祭祀處左右咸以為神其後有人著大冠絳單衣杖竹立冢前呼採薪孺子伊永昌曰我王子喬也勿得取吾墳上樹也忽然不見時令太山萬熹稽故老之言感精瑞之應乃造靈廟以休厥神于是好道之儔自遠方集或絃琴以歌太一或覃思以歷丹邱知至德之宅兆實真人之祖先延熹八年秋八月皇帝遣使者奉犧牲致禮祠濯釋改作祇懼非是○之敬肅如也國相東萊王璋字趙本引全氏校語

伯儀以為神聖所興必有銘表乃與長史邊乾遂樹之立石紀頌遺烈觀其碑文意似非遠既在經見不能不書存耳今按趙作焉

獲水

獲水出汭水于梁郡蒙縣北

漢書地理志曰獲水也十三州志曰今按戴本無此六字首受留獲渠亦兼丹水之稱也竹書紀年曰宋殺其大夫皇瑗于丹水之上又曰宋大水丹水壅不流蓋汭水之變名也獲水自蒙東出

水南有漢故繹幕令匡碑匡字公輔魯府君之少

子也碑字碎落不可尋識竟不知所立歲月也

獲水又東逕長樂固北已氏縣南東南流逕于蒙澤
十三州志曰蒙澤在縣東春秋莊公十二年宋萬
與公爭博殺閔公于斯澤矣

獲水又東逕虞縣故城北

古虞國也昔夏少康逃奔有虞為之庖正虞思于
是妻之以二姚者也王莽之陳定亭也城東有漢
司徒盛允墓碑允字伯世梁國虞人也其先嬴氏
至漢中葉避孝元皇帝諱改姓曰盛世濟其美以
迄于公察孝廉除郎累遷司空司徒延熹中立墓

中有石廟廟宇傾頽基構可尋

獲水又東南逕空桐澤北

澤在虞城東南春秋哀公二十六年冬宋景公遊
于空澤辛巳卒于連中大尹左師與空澤之士千
甲奉公自空桐入如沃宮者矣

獲水又東

今按趙逕龍譙固

今按趙作國又東合黃水口

水上承黃陂下注獲水獲水又東入櫟林

世謂之九里柞

獲水又東南逕下邑縣故城北

楚考烈王滅魯頃公亡遷下邑又楚漢彭城之戰

呂后弟周按頃羽本紀云呂后兄高帝紀亦云呂后兄非弟也且是周呂侯名澤周呂其封國非名同也。趙本引全氏校語。今按戴依此徑改兄澤軍于下邑高祖敗還從周今按戴軍子房肇捐地之策收垓下之師陸機所謂卽謀下邑者也王莽更名下治今按戴矣

獲水又東逕碭縣故城北

應劭曰縣有碭山山在東出文石秦立碭郡蓋取山之名也王莽之節碭縣也山有梁孝王墓其冢斬山作郭穿石爲藏行一里到藏中有數尺水水有大鯉魚黎民今按趙謂藏有神不敢犯之今按戴

神凡到藏皆潔齋而進不齋者至藏輒有獸噬其足獸難得見見者云似狗所未詳也山上有梁孝王祠

獲水又東穀水注之水今按戴上承碭陂陂中有香

城城在四水之中承諸陂散流謂今按戴零水瀼水

清水也積而成潭謂之碭水

趙人有琴高者以善鼓琴爲康王舍人行彭捐之術浮遊碭郡間二百餘年後入碭水中取龍子與弟子期曰皆潔齋待于水傍設屋祠果乘赤鯉魚出入坐祠中碭中有干今按戴萬人觀之留月餘

復入水也

陂水東注謂之穀水東逕安山北

即碭北山也山有陳勝募秦亂首兵伐秦弗終厥謀死葬于碭諡曰隱王也

穀水又東北注于獲水獲水又東歷藍田鄉郭又東

逕梁國杼秋縣故城南

王莽之子秋也

獲水又東歷洪溝東

今按趙注水今按戴無此字趙作之字南北

各一溝溝首對獲世謂之鴻

今按趙作洪

溝非也

春秋昭公八年秋蒐于紅杜預曰沛國蕭縣西有

紅亭即地理志之埶縣也

今按趙無此字高后三年封楚

元王子富為侯國王莽之所謂貢矣

按朱箋高后是景帝之誤

○今按戴依此徑改景帝蓋溝名是同非楚漢所分也

梓材按趙本引全氏曰鴻溝史記年表作洪渠漢書音義作洪溝晉志浚儀縣下亦作洪溝則鴻洪字本通故有指此洪溝為鴻溝者善長特起而糾正之

又東過蕭縣南睢水北流注之

按睢水原誤獲水依注改之○今按戴趙並依

改又按此十二字改注為經戴趙同

蕭縣南對山世謂之蕭城南山也戴延之謂之同孝

山云取漢陽城侯劉德所居里名目山也劉澄之云

縣南有冒山未詳孰是也山有箕谷谷水北流注獲

世謂之西流水言水上承梧桐陂水西流因以為名也余嘗逕蕭邑城右唯是水北注獲今按戴有水字更無別水疑即經所謂睢水也

城東西及南三面臨側獲水故沛郡治縣亦同居矣城南舊有石橋耗處積石為梁高二丈今荒毀殆盡亦不具誰所造也縣本蕭叔國宋附庸楚滅之春秋宣公十二年楚伐蕭蕭潰申公巫臣曰師人多寒王巡三軍撫今按趙作拊而勉之三今按戴無此五字軍之士皆無此字同挾纊蓋恩使之然矣蕭女媯齊為頃公之母卻克所謂蕭同叔子也

獲水又東歷龍城

不知誰所創築也

獲水又東逕同孝山北

山陰有楚元王家上圓下方累石為之高十餘丈

廣百許步經十餘墳悉結石也

獲水又東淨淨溝水注之水上承梧桐陂西北流即劉中書澄之所謂白溝水也又北入于獲俗名之曰淨淨溝也

又東至彭城縣北東入于泗

獲水自淨淨溝東逕阿育王寺北

或言楚王英所造非所詳也蓋遵育王之遺法因以名焉

與安陂水合水上承安陂餘波北逕阿育王寺側

水上有梁謂之玄注橋水傍有石墓宿經開發石作工奇殊為壯構而不知誰冢疑即澄之所謂凌

冢也

水北流注于獲獲水又東逕彌黎城北

劉澄之永初記所謂城之西南有彌黎城者也

獲水于彭城西南迴而北流逕彭城

城西北舊有楚大夫龔勝宅即楚老今按趙有父字哭勝

處也

獲水又東轉逕城北而東注泗水

水北三里有石冢被閱傳言楚元王之孫劉向冢

未詳是否城即殷大夫老彭之國也于春秋為宋

地楚伐宋并之以封魚石崔子季珪述初賦曰想

黃公于邳圯勤魚石于彭城即是縣也孟康曰舊

名江陵為南楚陳為東楚彭城為西楚文穎曰彭

城故東楚也項羽都焉謂之西楚漢祖定天下以

為楚郡封弟交為楚王都之宣帝地節元年更為

彭城郡王莽更之曰和樂郡也徐州治城內有漢

司徒袁安魏中郎將徐庶等數碑並列植于街石
咸曾為楚相也大城之內有金城東北小城劉公
更開廣之皆壘石高四丈列塹環之小城西又有
一城是大司馬琅邪王所修因項羽故臺經始即
構宮觀門閣惟新厥制義熙十二年零雨驟澍汴
今按戴水暴長城遂崩壞冠軍將軍彭城劉公之
作汴子也登更築之悉以塼壘宏壯堅峻樓櫓赫奕南
北所無宋平北將軍徐州刺史河東薛安都舉城
歸魏魏遣博陵公尉苟仁城陽公孔伯恭援之邑
閣如初觀不異昔自後毀撤一時俱盡間遺工雕

鏤尚存龍雲逞勢奇為精妙矣城之東北角起層
樓于其上號曰彭祖樓地理志曰彭城縣古彭祖
國也世本曰陸終之子其三曰錢是為彭祖彭祖
城是也下曰彭祖冢彭祖長年八百綿壽永世于
此有冢蓋亦元極之化矣其樓之側衿汴帶泗東
北為二水之會也聳望川原極目清野斯為佳處
矣

睢水

睢水出梁郡鄆縣

睢水出陳留縣西菑蕩今按戴渠東北流地理志曰

睢水首受陳留浚儀菴蕩今按戴作狼湯水也經言出鄆非矣又東逕高陽故亭北

俗謂之陳留北城非也蘇林曰高陽者陳留北縣也按在留故鄉聚名也有漢廣野君廟碑延熹六年十二月雍邱令董生仰餘徽千載遵美茂于絕代命縣人長今按趙作萇照為文用章不朽之德其畧云輟洗分餐諮謀帝猷陳鄭有涿鹿之功海岱無牧野之戰大康華夏綏靜黎物生民以來功盛莫崇今故宇無聞而單碑介立矣陳留風俗傳曰酈氏居于高陽沛公攻陳留縣酈食其有功封高

陽侯按食其生前未嘗封侯是因其子高梁侯疥而誤○趙本引全氏校語有酈峻

字文山官至公府掾大將軍商有功食邑于涿故

自陳留徙涿趙氏朱箋刊誤云陳留下落徙涿二字全氏校增○今按戴趙並依增

縣有餅亭餅鄉建武二年世祖封王常為侯國也

睢水又東逕雍邱縣故城北

縣舊杞國也殷湯周武以封夏后繼禹之嗣楚滅杞秦以為縣圈稱曰縣有五陵之名故以氏縣矣城內有夏后祠昔在二代享祀不輟秦始皇因今按趙作圍築其表為大城而以縣焉

睢水又東水積成湖俗謂之白羊陂陂方四十里右

則姦梁陂水注之其水上承陂水東北逕雍邱城北

又東分爲兩瀆謂之雙溝俱入白羊陂陂水東合洛

架今按趙有水字口水上承汜水謂之洛架水東南流入于

睢水睢水又東逕襄邑縣故城北又東逕雍邱城北

睢水又東逕寧陵縣故城南

故葛伯國也王莽改曰康善矣

歷鄆縣北

二城南北相去五十里故經有出鄆之文城北七

里水次有單父令楊彥尙書郎楊禪字文節兄弟

二碑漢光和中立也

又今按戴無此字東過睢陽縣南

睢水又東逕橫城北

春秋左傳昭公二十一年樂大心豐愆華今按戴無

此四字禦華向于橫杜預曰梁國睢陽縣南有橫亭

今在睢陽縣西南世謂之光城蓋光橫聲相近習

傳之非也

睢水又逕新城北

卽宋之新城亭也春秋左傳文公十四年公會宋

公陳侯衛侯鄭伯許男曹伯晉趙盾盟于新城者

也

睢水又東逕高鄉亭北又東逕亳城北

南亳也即湯所都矣

睢水又東逕睢陽縣故城南

周成今按趙作武王封微子啟于宋以嗣殷後為宋都

也昔宋元君夢江使乘輜車被繡衣而謁于元君

元君感衛平之言而求之于泉陽男子余且獻神

龜于此矣秦始皇二十二年以為碭郡漢高祖嘗

以沛公為碭郡長天下既定五年為梁國閻若據云睢陽

是梁都而班志置之第八其第一縣乃碭也按秦立碭郡則碭縣乃秦之治所及漢改治睢陽孟堅或仍秦地之舊而未及改文帝十二年封少子武

正耳○趙本引全氏校語

為梁王太后之愛子景帝寵弟也是以警衛貂侍

飾同天子藏珍積寶多擬京師招延豪傑士咸歸

之長卿之徒免官來遊廣睢陽縣七十里大治宮

觀臺苑屏榭勢並皇居其所經構也役夫流唱必

曰睢陽曲創傳由此始也城西門即寇先鼓琴處

也先好釣居睢水傍宋景公問道不告殺之後十

年止此門鼓琴而去宋人家奉事之南門曰盧

門也春秋華氏居盧門里今按趙作以叛杜預曰盧門

宋城南門也司馬彪郡國志曰睢陽縣有盧門亭

城內有高臺甚秀廣巍然介立超焉獨上謂之蠡

臺亦曰升臺焉當昔全盛之時故與雲霞競遠矣
續述征記曰迴道似蠡故謂之蠡臺非也余按闕
子稱宋景公使工人爲弓九年乃成公曰何其遲
也對曰臣不復見君矣臣之精盡于弓矣獻公而
歸三日而死景公登虎圈之臺援弓東面而射之
矢踰于孟今按趙作西霜之山集于彭城之東餘勢逸
勁猶飲羽于石梁然則蠡臺卽是虎圈臺也蓋宋
世牢虎所在矣晉太和中大司馬桓温入河命豫
州刺史袁真開石門鮮卑堅戍此臺真頓甲堅城
之下不果而還蠡臺如西又有一臺俗謂之女郎

臺臺之西北城中有涼馬臺臺東有曲池池北列
兩釣臺水周六七百步蠡臺直東又有一臺世謂
之雀臺也城內東西道北有晉梁王妃王氏陵表
並列二碑碑云妃諱粲字女儀東萊曲城人也齊
北海府君之孫司空東武景侯之季女咸熙元年
嬪于司馬氏泰始二年妃于國太康五年薨營陵
于新蒙之朱箋此下疑有脫誤太康九年立碑東卽梁王之
吹臺也基陛階礎尙存今建追明寺故宮東卽安
梁之舊地也廣今按戴作齊周五六百步水列釣臺池
東又有一臺世謂之清冷臺北城憑隅又結一池

臺晉灼曰或說平臺在城中東北角亦或言兔園在平臺側如淳曰平臺離宮所在今城東二十里有臺寬廣而不甚極高俗謂之平臺余按漢書梁孝王傳稱王以功親爲大國築東苑方三百里廣睢陽城七十里大治宮室爲複道自宮連屬于平臺三十餘里複道自宮東出楊門之今按戴左陽作之門門卽睢陽東門也連屬于平臺則近矣屬之城隅則不能是知平臺不在城中也梁王與鄒枚司馬相如之徒極遊于其上故齊隨郡王山居序所謂西園多士平臺盛賓鄒馬之客咸在伐木之歌屢

陳是用追芳昔娛神遊千古故亦一時之盛事謝氏賦雪亦曰梁王不悅遊于兔園今也歌堂淪宇律管埋音孤基塊立無復曩日之望矣城北五六里便得漢太尉橋玄墓冢東有廟卽曹氏孟德親酌處操本微素嘗侯于玄玄曰天下將亂能安之者其在君乎操感知已後經玄墓祭云操以頑質見納君子士死知己懷此無忘又承約言徂沒之後路有經由不以斗酒隻雞過相沃酌車過三步腹痛勿怨雖臨時戲言非至親篤好胡肯爲此辭哉悽愴致祭以申宿懷冢列數碑一是漢朝羣儒

英才哲士感橋氏德行之美乃共刊石立碑以示後世一碑是故吏司徒博陵崔列今按趙廷尉河

南吳整等以為至德在已揚之由人苟不曠述夫

何考焉乃共勒嘉石昭明芳烈一碑是隴西枹罕

北次陌碭守長隲為左尉漢陽獮道馮孝高以橋

公嘗牧涼州感三綱之義慕將順之節以為公之

勲美宜宣舊邦乃樹碑頌以昭令德光和七今按趙作

元年主記掾李友字仲僚作碑文碑陰有右鼎文

建寧三年拜司空又有中鼎文建寧四年拜司徒

又有左鼎文光和元年拜太尉鼎銘文曰故臣門

人相與述公之行咨度體則文德銘于三鼎武功

勒于征鉞書于碑陰以昭光懿又有鉞文稱是用

鑿石假象作茲征鉞軍鼓陳之于東階亦以昭公

之文武之勲焉廟南列二石柱柱東有二石羊羊

北有二石虎廟前東北有二石駝駝西北有二石

馬皆高大亦不甚雕毀惟廟頽構粗傳遺墉石鼓

仍存鉞今不知所在

睢水于城之陽積而為逢洪陂陂之西南有陂又東

合明水水上承城南大池池周千步南流會睢謂之

明水絕睢注渙睢水又東南流歷于竹園

水次綠竹蔭渚菁菁實望世人言梁王竹園也

睢水又東逕穀熟縣故城北睢水又東蘄水出焉睢

水又東逕栗縣故城北

地理志曰侯國也王莽曰成富

睢水又東逕太邱縣故城北

地理志曰故敬邱也漢武帝元朔三年封魯恭王

子節侯劉政為侯國按漢表作瑕邱故索隱曰山陽而善長作敬邱則沛也攷

地志沛之敬邱曰侯國而遍考侯表無以敬邱封者則頗疑瑕邱實敬邱之譌而善長所見為古本

漢明帝更從今名列仙傳曰仙人文賓邑人賣韉

履為業以正月朔日會故嫗于鄉亭西社教令服

食不老即此處梓材按趙氏朱箋刊誤云為業下落以正月朔日至即此處二十二

字據名勝志所引校補今依之。今按戴亦依補矣

睢水又東逕芒縣故城北

漢高帝六年封彭越為侯國王莽之傳治世祖改

曰臨睢城西二里水南有豫州從事皇毓碑殞身

州牧陰君之罪時年二十五臨睢長平輿今按趙作與

李君二千石丞綸今按趙作承輪氏夏文則高其行而悼

其殞州國咨嗟旌閣表墓昭敘令德式示後人城

內有臨睢長左馮翊王君碑善有治功累遷廣漢

屬國都尉吏民思德縣人公府掾陳盛孫郎中倪

今按戴定興劉伯鄜等共立石表政以刊遠績

縣北與碭縣分水

有碭山芒碭二縣之間山澤深固多懷神智有仙者涓子主柱並隱碭山得道漢高祖隱之呂后望氣知之卽于是處也京房易候曰何以知賢人隱師曰視四方常有太雲五色具而不雨其下賢人隱矣

又東過相縣南屈從城北東流當蕭縣南入于陂今按

相縣故宋地也秦始皇二十三年以爲泗水郡漢

高帝四年改曰沛郡治此漢武帝元狩六年封南

越桂林監居翁爲侯國曰相今按戴成也按本表

在堵陽不王莽更名之今按趙作爲戴無此吾符

縣曰吾符亭也今按戴無此字

睢水東逕石馬亭

亭西有漢故伏波將軍馬援墓

睢水又東逕相縣故城南

宋共公之所都也國府園中猶有伯姬黃堂基堂夜被火左右曰夫人少避伯姬曰婦人之義保傅不具夜不下堂遂遇火而死斯堂卽伯姬殯死處

也城西有伯姬冢

昔鄭渾為沛郡太守于蕭相二縣興陂堰民賴其利刻石頌之號曰鄭陂睢水又左合白溝水水上承梧桐陂

陂側有梧桐山

陂水西南流逕相城東而南流注于睢睢盛則北流入于陂陂溢則西北注于睢出入迴環更相通注故經有入陂今按趙作睢之文睢水又東逕彭城郡之靈壁東東南流

漢書項羽敗漢王于靈壁東卽此處也又云東通

穀泗服虔曰水名也在沛國相界未詳睢水逕穀熟兩分睢水而為蘄水故二水所在枝分通謂兼稱穀水之名蓋因地變然則穀水卽睢水也又云漢軍之敗也睢水爲之不流

睢水又東南逕竹縣故城南

地理志曰王莽之篤亭也李奇曰今竹邑縣也

睢水又東與澤湖水合水上承留邱縣之溲陂南北百餘里東西四十里東至朝解亭西屆彭城留邱縣之故城東

王莽更名之曰善邱矣

其水自陂南系于睢水今按此二字戴在又東下又東南八

丈故溝水注之水上承蘄水而北會睢水又東逕符

離縣故城北

漢武帝元光四年封路博德為侯國按漢表作邳

此從史記作符離故在沛○梓材按趙本引沈氏曰是元符四年封○今按戴依此徑改元符

莽之符合也

睢水又東逕臨淮郡之取慮縣故城北

昔汝南步遊張少失其母及為縣令遇母于此乃

使良馬踟躕輕軒罔進顧訪病姬乃其母也誠願

宿憑而冥感昭徵矣

睢水又東合烏慈水水出縣西南烏慈渚潭漲東北

流與長直故瀆合瀆舊上承蘄水北流八十五里注

烏慈水烏慈水又東逕取慮縣南又東屈逕其城東

而北流注于睢睢水又東逕睢陵縣故城北

漢武帝元朔元年封江都易王子劉楚為侯國王

莽之睢睦也

睢水又東與潼水故瀆會舊上承潼縣西南潼陂東

北流逕潼縣故城北又東北逕睢陵縣下會睢水今按

趙無此字睢水又東南流逕下相縣故城南

高祖十二年封莊侯冷耳為侯國

應劭曰今按趙相水出沛國相縣故此加下也然則

下相又是睢水之別名也東南流入于泗謂之睢口

經止蕭縣非也所謂得其一而忘其二矣

水經注第二十二終

後學王梓材錄董沛重校

水經注第二十三

范陽酈道元注

鄞全祖望校

布政使銜浙江甯紹台兵備道無錫薛福成校刊

瓠子水

梓材按全氏於河水五引經曰大河在其西鄉里渠歷其東校云此乃約舉瓠子河水篇經文是其目當作瓠子河水也○今按此目戴作瓠子河趙作瓠子水盧氏殷氏鈔本序目均作瓠子水故不從王說

瓠子河出東郡濮陽縣北河

縣北十里即瓠河口也尚書禹貢雷夏既澤離沮會

同爾雅曰水自河出為離許慎曰離者河離水也暨

漢武帝

今按趙無此二字

元光三年河水南決漂害民居今按

趙有武元封二年上使汲仁郭昌發卒數萬人塞瓠

子決河於是上自萬里沙還臨決河沈白馬玉壁令

羣臣將軍以下皆負薪填決河上悼功之不成乃作

歌曰瓠子決兮將奈何失去原文二句則首句無韻

洋洋慮殫為河入字○今按殫為河兮地不寧功無

已時兮吾山平吾山平兮巨野溢魚沸鬱兮柏冬日

正道弛兮離常流蛟龍騁兮放遠遊歸舊川兮神哉

沛不封禪兮安知外皇謂河公兮何不仁泛濫不止

兮愁吾人鬻桑浮兮淮泗滿久不返兮水維今按趙

緩一日河湯湯兮激潺湲北渡迴兮迅流難攀長焚

兮湛美玉梓材按此下又失原文三句為河公許兮

薪不屬薪不屬兮衛人罪燒蕭條兮噫乎

何以堅水二十四字○今按戴有隕竹林兮礎石舊

此二十四字越惟於註中引之宣防塞兮萬福來于是卒塞瓠子口築宮於其上名

曰宣房宮故亦謂瓠子堰為宣房堰而水亦以瓠子

受名焉平帝已後未及修理河水東浸日月彌廣永

平十二年顯宗詔樂浪人王景治渠築隄起自滎陽

東至千乘一千餘里景乃防遏衝要疏決壅積瓠子

之水絕而不通惟溝瀆存焉河水舊東流今按戴逕

作決

濮陽城東北

故衛也今按趙帝顓頊之墟昔顓頊自窮桑徙此

號曰商邱或謂之帝邱顓頊所居是帝邱闕伯所

居是商邱如何合而為一

善長常有此謬。趙本引全氏曰：帝邱豈商邱耶？
闕伯之商邱在睢陽，非帝邱也。王伯厚曰：此蓋出於帝王世本陶唐氏火正闕伯之所居，亦夏伯昆紀之謬。

吾之都殷之。今按戴無此字。相土又都之，故春秋傳曰：闕

伯居商邱，相土因之，是也。衛成公自楚邱遷，此秦

始皇徙衛君角于野王，置東郡治濮陽，縣濮水，逕

其南，故曰濮陽也。沛公守濮陽，環之以水。按本文乃章邯

○今按戴依張晏曰：依河水自固。此徑改章邯。

又東逕鹹城南。此句諸本皆脫，先司空公以宋本增。今按戴趙並依全增。

春秋僖公十三年夏，會于鹹，杜預曰：東郡濮陽縣

東南有鹹城者是也。

瓠子故瀆，又東逕桃城南。

春秋傳曰：分曹地自洮以南，東傅于濟，盡曹地也。

今鄆城西南五十里有桃城。按顧祖禹本作姚城，而引應劭姚墟與雷

澤相近之說以解之，不知其所據。或謂之洮也。者何本也。○今案戴亦作姚城。

瓠瀆，又東南逕清邱北。

春秋宣公十二年，經書楚滅蕭，晉人宋衛曹同盟

于清邱，京相璠曰：在今東郡濮陽縣東南三十里。

魏東郡。今按戴無此字。都尉治。

東至濟陰，句陽縣為新溝。

瓠河故瀆，又東逕句陽縣之小成陽城北側瀆。

帝王世紀曰堯葬濟陰成陽西北四十里是爲穀
林墨子以爲堯堂高三尺土階三等北教八狄道
死葬蛩山之陰山海經曰堯葬狄山之陽一名崇
山二說各殊以爲成陽近是堯冢也余按小成陽
在成陽西北半里許實中俗疇以爲囚堯城土安
蓋以是爲堯冢也

瓠子北有都關縣故城縣有羊里亭瓠河逕其南爲
羊里水蓋資城池而變名猶經有新溝之異稱矣
黃初中賈逵爲豫州刺史與諸將征吳于洞浦有
功魏封逵爲羊里亭侯邑四百戶卽斯亭也俗名

之羊子城非也蓋韻近字轉耳

又東右會濮水枝津水上承濮渠東逕沮今按趙
作鉏邱

城南

京相璠曰今濮陽城西南十五里有沮邱城六國
時沮楚同音以爲楚邱非也

又東逕浚城南

西北去濮陽三十五里城側有寒泉岡卽詩所謂
爰有寒泉在浚之下世謂之高平渠非也京相璠

曰濮水故道在濮陽南者也按歐陽忞曰濮州臨
地春秋宣十一年晉人宋人衛人曹人同盟于清
邱杜預註云清邱衛地在濮陽縣東南其地今入

臨濮○梓材按此條底本惟標歐陽恣曰四字而下有三墨圍今據輿地廣記足之

又東逕句陽縣西句瀆出焉濮水枝渠又東北逕句

陽縣之小成陽城東故今按戴無城故二字垂亭西而北入瓠

河地理志曰濮水首受沛于封邱縣東北至都關入

牟里水者也

又按地理志山陽郡有都關縣今其城在廩邱城

西考地志句今按趙作山陽廩邱俱屬濟陰則都關無

隸山陽理又按地理志郟都亦是山陽之屬縣矣

而京杜考地驗城又並言在廩邱城南推此而論

似地今按戴有地理字志之誤矣或亦疆理參差所未詳

瓠瀆又東逕垂亭北

春秋隱公八年宋公衛侯遇于犬邱經書垂也京

相璠曰今濟陰句陽縣小成陽東五里有故垂亭

者也

又東北過廩邱縣為濮水

瓠河又左逕雷澤北其澤藪在大成陽縣故城西北

今按戴無此字十餘里

昔華胥履大跡處也

其陂東西二十餘里南北一今按戴無此字十五里即舜所

漁也

澤之東南即成陽縣故史記曰武王封弟季載今按

戴作叔武于成應劭曰其後乃遷于成之陽故曰成陽

也地理志曰成陽有堯冢靈臺今成陽城西二里

有堯陵陵南一里有堯母慶都陵于城為西南稱

曰靈臺鄉曰崇仁邑號修義皆立廟四周列水潭

而不流水澤通泉泉不耗竭至豐魚筍不敢採捕

前並列數碑栝柏數株檀馬成林二陵南北列馳

道逕通皆以磚砌之尙修整堯陵東城西五十里

步中山夫人祠堯妃也石壁階墀仍舊南西北三

面長櫟聯蔭扶疏里餘中山夫人祠南有仲山甫

冢冢西有石廟羊虎傾低破碎畧盡在靈臺之東

北按郭緣生述征記自漢迄晉二千石及丞尉多

刊石述敘堯卽位至永嘉三年二千七百二十有

一載記于堯妃祠見漢建寧五今案趙年五月成

陽令管遵所立碑文云堯陵北仲山甫墓南二冢

間有伍員祠晉大安中立一碑是永興中建今碑

祠並無處所又言堯陵在城南九里中山夫人祠

在城南二里東南六里堯母慶都冢堯陵北二里

有仲山甫墓攷地驗狀咸為疎僻蓋聞疑書疑耳

雷澤西南十許里有小山孤立峻上亭亭傑峙謂

之歷山山北有小阜南屬迤澤之東北有陶墟綠

生言舜耕陶所在墟阜聯屬濱帶瓠河也鄭玄曰

歷山在河東今有舜井皇甫謐或言今濟陰歷山

是也與雷澤相比余謂鄭玄之言為然故楊雄河

東今按戴賦曰登歷觀而遙望兮聊浮游于河之

巖今雷首山西枕大河校之圖緯于事為允士安

又云定陶西南舜陶邱也梓材按舊本作陶邱舜

日舜一作亭按全氏云非也趙氏朱箋刊誤云箋

氏但見漢志註有陶邱亭之文故改舜字以遷就

之而不知其有脫文也所引全校蓋亦前校語耳

○今按七校本以舜字置陶邱上不必增字甚簡

捷趙依其前校語增所陶字戴依增而又加一處字不言在此緣生為失瓠

河之北廩邱縣也王隱晉書地道記曰廩邱者春

秋之所謂齊邑矣實表東海者也竹書紀年晉烈

公十一年田悼子卒田布殺其大夫公孫孫公孫

會以廩邱畔于趙田布圍廩邱翟角趙孔屑韓師

救廩邱及田布戰于龍澤田布敗遁是也

瓠河與濮水俱東流經所謂過廩邱為濮水者也

縣南瓠北有羊角城春秋傳曰烏餘取衛羊角遂

襲我高魚天大雨自竇入介于今按趙無此字其庫登其

城尅而取之者也京相璠曰羊角今按戴趙均無此二字衛

邑也今東郡廩邱縣南有羊角城高魚魯邑也今

廩邱東北有故高魚城俗謂之交魚城謂羊角爲角逐城皆非也

瓠河又逕陽晉城南

史記蘇秦說齊曰過衛陽晉之道按胡三省曰所謂衛陽晉者以

魏境有陽晉故稱衛陽晉以別之史記秦取魏陽晉是也○趙本引全氏校語徑于亢父

之險者也今陽晉城在廩邱城東南一無此字十

餘里與都關爲左右者也張儀曰秦下甲攻衛陽

晉大關天下之匈徐廣史記音義云關一作開東

之亢父則其道矣瓠河之北又有郟都城春秋隱公五今按趙年郟侵衛京相璠曰東郡廩邱縣南

三十里有故郟都今按此三字戴地理志曰山陽趙作郟都故城

鄉也褚先生曰漢封金安上爲侯國按安上封都成非封郟都

小司馬曰屬潁川而地志無此縣蓋不可考若山陽郡城都縣王莽改曰城穀者乃王商所封之縣

非鄉也地志亦無此語善長此條一誤以都成爲郟都再誤以城都爲郟都三誤以縣爲鄉以致樂

史亦因王莽更名之曰城穀者也

瓠河又東逕黎縣故城南

王莽改曰黎治矣孟康曰今黎陽也薛瓚言按黎

陽在魏郡非黎縣也今按趙作非世謂黎侯城昔

黎侯陽今按戴寓于衛據善長說陽似詩所謂胡

爲乎泥中毛云泥中邑名疑此城也土地汙下城

居小阜魏濮陽郡治也

瓠河又東逕棗今按戴縣故城南

地理志濟陰之屬縣也褚先生曰漢武帝封金日磾為侯國王莽之萬歲矣世猶謂之為萬歲亭也

瓠河又東逕鄆城南

春秋左傳成公十六年公自沙隨還待于鄆京相璠曰公羊作運字今東郡廩邱縣東八十里有故運城即此城也

又北過東郡范縣東北為濟渠與將渠合

瓠河自運城東北逕范縣與濟濮枝渠合故渠上承

濟瀆于柔氏縣北逕范縣左納瓠瀆故經有濟渠之

稱又北與將渠合今按趙無此二字渠受河于范縣西北東

南逕秦亭南

杜預釋地曰東平范縣西北有秦亭者今按趙無此字也

又東南逕范縣故城南

王莽更名建睦也漢興平中靳允為范令曹太祖東征陶謙于徐州張邈迎呂布郡縣響應程昱說允曰君必固范我守東阿田單之功可立即斯邑也

將渠又東會濟渠自下通謂之將渠北逕范縣東俗

又謂之趙溝非也

又東北過東阿縣東

瓠河故瀆又東北左合將渠枝瀆枝瀆今按枝瀆趙

下二上承將渠于范縣東北逕范縣北又東北逕東

阿城南而東入瓠河故瀆又北逕東阿縣故城東

春秋經書冬及齊侯盟于柯左傳曰冬盟于柯始

及齊平杜預曰東阿卽柯邑也按國語曹沫挾匕

首劫齊桓公返遂邑于此矣先公曰曹沫事出公羊非國語

又東北過臨邑縣西又東北過茌平縣東爲鄧里渠

自宣防已下將渠已上無復有水將渠下水首受河

自北爲鄧里渠

又東北過祝阿縣爲濟渠

河水自四瀆口出會濟水二瀆今按戴本會作爲二瀆上增濟水二字

合而東注于祝阿也

又東北至梁鄒縣西分爲二

脈水尋梁鄒濟無二流蓋經之誤

其東北者爲濟河其東者爲時水又東北至濟西濟河

東北入于海時水東至臨淄縣西屈南過太山華縣東

又南至費縣東入于沂

時卽彰水也

音而春秋襄公三年齊晉盟于彤也

京相璠曰今臨淄唯有濇水西北入沛卽地理志之如水矣彤如聲相似然則濇水卽彤水也蓋以濇與時合得通稱矣時水自西安城西南分爲二水枝津別出西流德會水注之水出昌國縣黃山西北流逕昌國縣故城南

昔樂毅攻齊有功燕昭王以是縣封之爲昌國君德會水又西北五里泉水注之水出縣南黃阜北流逕城西北入德會又西北世謂之滄浪溝又北流注時水地理志曰德會水出昌國西北至西安入如是

也時水又西逕東高苑城中而西注也俗人過令倒城南注又屈逕其城南

史記漢文帝十五年分齊爲膠西王國都高苑今按趙作宛下同徐廣音義曰樂安有高苑城故俗謂之東高苑也

其水又北注故瀆又西蓋野溝水注之源導延鄉城東北平地出泉西北逕延鄉城北

地理志千乘有延鄉縣世人謂故城爲從城延從字相似讀隨字改所未詳也

西北流世謂之蓋野溝又西北流逕高苑縣北注時

水時水又西逕西高苑縣故城南

漢高帝六年封丙倩為侯國王莽之常鄉也

其水側城西注京相璠曰今樂安博昌縣南界有時

水西通濟其源上出盤陽北至高苑下有死時中無

水杜預亦云時水於樂安枝流旱則竭涸為春秋之

乾時也

左傳莊公九年齊魯戰地魯師敗處也

時水西北至梁鄒城入于沛時水二支一至梁鄒入

至鉅定入馬車瀆者其流甚長別見淄水注

非沛入時蓋時來注沛若沛分東流明不得以時

為名尋時沛更無別流南延華費之所斯為謬矣

鮎琦亭集東東潛雍水帖子曰澗沮兗州水也爾

雅水自河出為雍州之澗亦至今無能言其地者

然要其序于雷澤之下則可意而得也故孔傳以

為二水同入于澤鄭注以欲破職方盧維之維以澤

孔疏亦同于傳康成又欲破職方盧維之維以澤

肯從魏王泰括地志以二水在雷澤西北平地中

元和郡縣志則曰在雷澤縣西北十四里雖其說

未必實要之不敢舍雷澤而他求則皆同矣惟許

氏說文曰澗水在宋又曰汭水出陳留浚儀陰

溝至蒙為澗水東入汝于是有附之者以梁儀之

睢即沮也澗之所謂商魯之溝也豈意熟于水

工然浚儀有渠之澗恐禹貢之溝也豈意熟于水

後以是當禹貢之澗恐禹貢之溝也豈意熟于水

童如善長忽取以當左馮翊之雍水乎則五尺以

尚書之澗解雍水必不可通也善長之序雷澤長

矣而竟以互受通稱之說移灘而西是非人所及料也足下其將何說以為善長起茲廢疾焉

水經注第二十三終

後學王梓材錄董沛重校

水經注第二十四

范陽酈道元注

鄞全祖望校

布政使銜浙江甯紹台兵備道無錫薛福成校刊

淄水

淄水出泰山萊蕪縣原山

淄水出縣西南山下世謂之原泉地理志曰原山淄水所出故經有原山之論矣淮南子曰水出自飴山蓋山別名也東北流逕萊蕪谷屈而西北流逕其縣故城南

從征記曰城在萊蕪谷當路阻絕兩山間道由南北門漢末有范史雲為萊蕪令言萊蕪在齊非魯

所得引舊說云齊靈公滅萊萊民播流此谷邑落
荒蕪故曰萊蕪

禹貢所謂萊夷也夾谷之會齊侯使萊人以兵劫魯
侯宣尼稱夷不亂華是也余按太無萊柞並山名也
郡縣取目焉漢高祖置左傳曰與之無山及萊柞是
也何焯曰左氏昭七年傳辭以無山與之萊柞蓋有
無之無非山名○趙本引全氏曰按以蕪爲無善
長殆有聞于萊蕪之爲
萊毋而不知其非山也應劭十三州記曰太山萊蕪
縣魯之萊柞邑

淄水又西北轉逕城西又東北流與一水合水出縣東
南俗謂之家桑谷水從征記名曰聖水

列仙傳曰鹿皮公者淄川人也少爲府小史才巧
舉手成器山岑上有神泉今按趙人不能到小史
作象

白府君請木工斤斧三十人作轉輪造縣閣意思
橫生數十日梯道成上其巔作祠屋留止其傍其
二間以自固食芝草飲神泉七十餘年淄水來山
下呼宗族得六十餘人命上山半水出盡漂一郡
沒者萬計小史辭遣家室令下山著鹿皮衣升閣
而去後百餘年下賣藥齊市也

其水西北流注淄水淄水又北出山謂之萊蕪口東
北流者也

又今按戴無此字東北過臨淄縣東

淄水自山東北流逕牛山西又東逕臨淄縣故城南東得天齊水口水出南郊山下謂之天齊淵五泉並出南北三百步廣十步

山即牛山也左思齊都賦曰牛嶺鎮其南者也水在齊八祠中齊之為名起于此矣地理風俗記曰齊所以為齊者即天齊淵名也

其水北流注于淄水淄水又東逕四豪冢北水南山下有四冢方基員墳咸高七尺東西直列是田氏四王冢也

淄水又東北逕蕩陰里西

水東有冢一基三墳東西八十步是烈士公孫接田開疆古冶子之墳也晏子惡其勇而無禮投桃以斃之死葬陽里即此也

淄水又北逕其城東

城臨淄水故曰臨淄王莽之齊陵縣也爾雅曰水出其前左為營邱趙一清曰爾雅水出其前消邱水出其後沮邱水出其右正邱今云前左誤矣武王以其地封太公望賜之以四

履都營邱為齊或以為都營陵史記周成王封師尚父于營邱東就國道宿行遲萊侯與之爭營邱

逆旅之人曰吾聞時難得而易失客寢安殆非就封者也太公聞之夜衣而行至營邱陵亦邱也獻公自營邱徙臨淄余按營陵城南無水惟城北有一水世謂之白狼水西出丹山俗謂凡山也東北流由梓材案朱謀埠本作東北流山趙氏刊爾雅誤云山全氏改由○今按戴趙並依改出前左之文不得以為營邱矣營邱者山名也詩所謂子之營兮遭我乎獨之間兮作者多以邱陵號同緣陵又去萊差近咸言太公所封考之春秋經書諸侯城緣陵左傳曰遷杞也毛詩鄭注並無營字瓚以為非近之今臨淄城中有邱在小城內

周迴三百步高九丈北降丈五淄水出其前故有營邱之名與爾雅相符城對天齊淵故城有齊城之稱是以晏子言始爽鳩氏居之逢伯陵居之太公居之又曰先君太公築營之邱季札觀風聞齊音曰泱泱乎大風也哉表東海者其太公乎田巴入齊過淄自鏡郭景純言齊之營邱淄水逕其南及東也非營陵明矣獻公之徙其猶晉氏深翼居絳疑○梓材案朱箋本作其猶晉氏深翼居絳趙氏刊誤云居全氏校改名是其前校如是而第七校唯標疑字是所改名字猶未定也○今按戴趙俱依全氏前校徑改作名非謂自營陵而之也孔穎達曰臨淄營邱是一地謂自營邱徙臨淄者應劭之謬當云自薄姑徙臨淄

淄○趙本引 其外郭卽獻公所徙臨淄城也世謂

全氏校語 之虜城言齊湣王伐燕燕王噲死虜其民實諸

此二字趙 郭因以名之秦始皇三十四年滅齊爲

作寶居 郡治臨淄漢高帝六年封子肥于齊爲王國王莽

更名濟南也戰國策曰田單爲齊相過淄水有老

人涉淄而出不能行坐沙中單乃解裘于斯水之

上也

又東過利縣東

淄水自縣東北流逕東安平城北又東逕巨淀縣故

城南

征和四年漢武帝幸東萊臨大海三月耕巨淀卽
此也縣東南則巨淀湖蓋以水受名也

淄水又東北逕廣饒縣故城南

漢武帝元鼎中 沈炳異曰是元狩○今按 封菑川

靖王子劉國爲侯國

淄水又東北馬車瀆水注之 今按趙 受巨淀卽濁

水所注也呂沈曰濁水一名溷水出廣縣爲山

世謂之冶嶺山

東北流逕廣固城西

城在廣縣西北四里四周絕澗阻水深隍晉永嘉

中東萊人曹嶷所造也水側山際有五龍口義熙
五年劉武帝伐慕容超于廣固也以藉險難攻兵
力勞弊河間人立文說裕云昔趙攻曹嶷望氣者
以爲繩今按戴作澗水帶城非可攻拔若塞五龍口城
當必陷石虎從之疑請降降後五日大雨雷電震
開後慕容恪之攻段龕十旬不拔塞口而龕降後
無幾又震開之今按趙無此字舊基猶存宜試修築裕
塞之超及城內男女皆悉脚弱病者大半超遂出
奔爲晉所擒也然城之所跨實憑地險其水今按戴作
不可固城者在此

濁水東北流逕堯山東

從征記曰廣固城北三里有堯山祠堯因巡狩登
此山後人遂以名山廟在山之左麓廟像東面華
宇修整帝圖嚴飾軒冕之容穆然山之上頂舊有
上祠沈炳異曰所謂上不知是誰按當是劉裕今也毀廢無復遺式盤
石上尙有人馬之跡徒黃石而已惟刀劔之蹤逼
眞矣至于燕鋒代鏑魏鉞齊銚與今劔莫殊以密
今按趙模寫知人功所制矣西望胡公陵孫暢之
所云青州刺史傅弘仁所得銅棺隸書處
濁水又東北流逕東陽城北東北流合長沙水水出

逢山北阜世謂之陽水也東北流逕廣縣故城西

舊青州刺史治亦曰青州城

陽水又東北流石井水注之水出南山

山頂洞開望若門焉俗謂是山為磨今按趙頭磨作磨

其水北流注井井際廣城東側三面積石高深一匹

有餘長津激浪瀑布而下澎聳之音驚川聒谷瀾漉

之勢狀同洪河北流入陽水

余生長東齊極遊其下于中關絕乃積綿載後因

王事復出海岱郭金紫惠同石井賦詩言意彌日

嬉娛尤懽羈心但恨此水時有通塞耳

陽水東逕故七級寺禪房南

水北則長廡徧駕迴閣承阿林之際則繩坐疏班

錫鉢間設所謂修修釋子眇眇禪棲者也

陽水又東逕東陽城東南

義熙中晉青州刺史羊穆之築此以在陽水之陽

即謂之東陽城世以濁水為西陽水故也水流亦

有時窮通信為靈矣昔在宋世是水絕而復流劉

晃賦通津焉魏太和中此水復竭輟流積年先公

除州即任未暮是水復通澄映盈川所謂幽谷枯

而更溢窮泉輟而復流矣海岱之士又頌通津焉

平昌龙民孫道相頌曰唯彼繩今按戴作繩泉竭踰三

齡祈盡珪璧謁窮斯牲道從隆替降由聖明羣民

河間趙疑頌云敷化未暮元澤潛施枯源揚瀾涸

川滌陂北海郭欽曰先政輟津我后通洋但頌廣

文煩難以具載

陽水又北屈逕漢城陽景王劉章廟東東注于巨洋

後人竭斷令北注濁水時人通謂濁水為陽水故有

南陽北陽水之論二水渾流世謂之為長沙水也亦

或通名之為繩今按戴作繩下同水故晏謨伏琛為齊記並

云東陽城既在繩水之陽宜為繩陽城非也世又謂

陽水為洋水余按羣書盛言洋水出臨胸縣而陽水

導源廣縣兩縣雖鄰川土不同于事疑焉濁水又北

逕臧氏臺西又北逕益城西又北流注巨淀地理志

曰廣縣為山濁水所出東北至廣饒入巨淀巨淀之

右又有女水注之水出東安平縣之菟今按戴作蛇頭山

從征記曰水西有桓公冢甚高大墓方七十餘丈

高四丈員墳圍二十餘丈高七丈餘一墓方七丈

二墳晏謨曰依陵記非葬禮如承世故與其母同

墓而異墳伏琛所不詳也冢東山下女水原有桓

公祠侍其衡奏魏武王所立曰近日路次齊郊瞻

望桓公墳壟在南山之阿請為立祠為塊然之主
郭緣生述征記曰齊桓公冢在齊城南二十里因
山為墳大冢東有女水或云齊桓公女冢在其上
故以名水也女水導川東北流甚有神焉化隆則
水生政薄則津竭燕建平六年水忽暴竭元明惡
之寢病而亡燕太上四年女水又竭慕容超惡之
燕祚遂淪

女水東北流逕東安平縣故城南續述征記曰水至

安平城南伏流今按戴無此字十五里然後更流注北今按

戴本作陽水北注

城故鄒亭也春秋魯莊公三年紀季以鄒入齊公
羊傳曰季者何紀侯弟也賢其伏罪請鄒以奉五
祀田成子單之故邑也後以為縣博陵有安平故
此加東也世祖建武七年封菑川王子劉茂為侯

國

又逕東安平城東東北逕壟邱東東北入巨淀地理
志曰菟頭山女水所出東北至臨淄入巨淀又北為
馬車瀆北合淄水又北時澗今按趙作繩之水注之時水
出齊城西北二十五里平地出泉即如水也亦謂之
源水因水色黑俗又目之為黑水西北逕黃山東又

北歷愚山

山今按戴無此字東有愚公冢

時水又屈而逕杜山北

有愚公谷齊桓公時公隱于谷鄰有認其駒者公以與之山即杜山之通阜以其人狀愚故謂之愚公山

水有石梁亦謂之為石梁水又有澧水注之水出時水東去臨淄城十八里所謂澧中也俗以澧水為宿留水西北入于時水

孟子去齊三宿而後出書今按戴作澧故世以此而變

水名也水南山西有王歊墓昔樂毅伐齊賢而封之歊不受自縊而死水側有田引水溉跡尚存

時水又西北逕西安縣故城南

本渠邱也齊大夫雒廩之邑矣王莽更之曰東寧

時水又西至石洋堰分為二水謂之石洋口枝津西

北至梁鄒入洸今案戴作濟時水又北逕西安城西又北

京水系水注之水出齊城西南世謂之寒泉也東北流直申門西

京相璠杜預並言申門即齊城南面西第一門矣為申池

昔齊懿公遊申池邴戎庸職朱謀埠曰左傳作邴

改此徑二人害公于竹中今池無復髣髴然水側尙

有小小竹木以時遺生也左思齊都賦注申池在

海濱齊藪也余按春秋襄公十八年晉伐齊戊戌

伐雍門之荻已亥焚雍門壬寅焚東北二郭甲辰

東侵及濰南及今按趙無此三字沂而不言北掠于海且

晉獻子尙不辭死以逞志何容對仇敵而不微諸

本皆誤作微今暴草木于海嶠乎又炎夏火流

非遠遊之辰懿公見弑蓋是白龍魚服今按趙見

困近郊矣左氏捨近舉今按趙作遺遠考古非矣今按趙作

議 杜預之言有推据耳

系水傍城北流逕陽門西

水次有故封處所謂齊之稷下也當戰國之時以

齊宣王喜文學遊說之士鄒衍淳于髡田駢接子

慎到之徒七十六人皆賜列第爲上大夫不治而

論議是以齊稷下學士復盛且數百十人劉向別

錄以稷爲齊城門名也談說之士期會于稷門下

故曰稷下也鄭志曰今按戴無此字張逸問書贊云我先

師棘下生何時人鄭立答云齊田氏時善學者所

會處也齊人號之棘下生無常人也余按左傳昭

公二十二年莒子如齊盟于稷門之外漢以叔孫通爲博士號稷嗣君史記音義曰欲以繼蹤齊稷下之風矣然棘下又是魯城內地名左傳定公八年陽虎劫公伐孟氏入自上東門戰于南門之內又戰于棘下者也蓋亦儒者之所萃焉故張逸疑而發問鄭玄釋而辯之雖異名互今按趙作兩見大歸一也城內有故臺有營邱有故景王祠卽朱虛侯章廟矣晉起居注云齊有大蛇長三百步負小蛇長百餘步逕于市中市人悉觀自北門所入處也北門外東北二百步有齊相晏嬰冢宅左傳晏子

之宅近市景公欲易之而嬰弗更爲誠曰吾生則近市死豈易志乃葬故宅後人名之曰清節里

系水又北逕臨淄城西門北而西流逕梧宮南

昔楚使聘齊齊王饗之梧宮卽是宮矣其地猶名

梧臺里臺甚層秀東西一今按戴無此字百餘步南北如

減卽古梧宮之臺臺東卽闕子所謂宋愚人得燕

石處臺西有石社碑碑今按戴無此字猶存漢靈帝熹平

五年立其題云梧臺里

系水又西逕葵邱北

春秋莊公八年襄公使連稱管至父戍葵邱京相

璠曰齊西五十里有葵邱地若是無庸今按趙戊無此字

之僖公九年齊桓會諸侯于葵邱宰孔曰齊侯不

務修德而勤遠畧明葵邱不在齊也引河東今按趙作

廣汾陰葵邱山陽西北葵城宜在此非也余原左

傳連稱管至父之戍葵邱以瓜時為往還之期請

代弗許將為齊亂故令無寵之妹侯公于宮因無

知之緇遂害襄公若出遠無代寧得謀及婦人而

為公室之亂乎是以杜預稽春秋之旨即傳安之

注于臨淄西不得捨近託遠苟成已異于異可殊

即義為負然則葵邱之戍即此地也

系水西左迤為潭又西逕高陽僑郡南

魏所立也

又西北流注于時時水又東北流繩今按戴作灑下同水注

之水出營城東世謂之漢溱水也西北流逕營城北

漢景帝四年封齊悼惠王子劉信都為侯國按漢表作

營平此從史記索隱曰表在濟南善長則以為在齊

繩水又西逕樂安博昌縣故城南

應劭曰昌水出東萊昌陽縣道遠不至取其嘉名

闕駟曰縣處勢平故曰博昌

繩水西歷貝邱

京相璠曰博昌縣南近繩水有地名貝邱在齊城西北四十里春秋莊公八年齊桓田于貝邱見公子彭生豕立而泣齊侯墜車傷足于是處也

繩水又西北入時水從征記又曰水出臨淄縣北逕樂安博昌南界西入時水者也自下通謂之為繩也昔晉侯與齊侯宴齊侯曰有酒如繩指喻此水也

時水又屈而東北逕博昌城北時水又東北逕齊利縣故城北又東北逕巨淀縣故城北又東北逕廣饒縣故城北東北入淄水地理風俗記曰淄入濰先司空公曰東州無濰水古文濰如通漢志如溪水經作濰溪是也然則所云濰即砂水一名如故也然淄水支流

濰濟則由如以達濟非其經流也○趙本引全氏校語

淮南子曰白公問微言曰若以水投水如何孔子曰淄繩之水合易牙嘗而知之謂斯水矣

又東北入于海

淄水入馬車瀆亂流東北逕琅槐故城南又東北逕馬井城北與時繩之水互受通稱故邑流其號又東北至皮邱坑入于海故晏謨伏琛並言淄繩之水合于皮邱坑西地理志曰馬車瀆至琅槐入于海也今按戴無此字蓋舉縣言也

巨洋水

巨洋水出朱虛縣泰山北過其縣西

泰山即東小泰山也巨洋水即國語所謂具水矣袁宏謂之巨昧王韶之以為巨蔑亦或曰胸瀾皆一水也而廣其目焉其水北流逕朱虛縣故城西

漢惠帝二年封齊悼惠王子劉章為侯國

地理風俗記曰丹山在西南丹水所出東入海丹水出朱虛邱阜矣故言朱虛城西有長坂遠峻名為破車峴城東北二十里有丹山世謂之凡山縣在西南非山也丹凡字相類音從字變也丹水有二源○梓朱箋本作山導丹山有二源趙氏刊誤云山導二字衍文全氏校刪○今按戴趙並依刪各導一

山世謂之東丹西丹水也西丹水自凡山北流逕劇

縣故城東丹水注之水出方山山有二今按趙作三水

一水即東丹水也北逕縣合西丹水而亂流又東北

出逕漪薄澗北漪水亦出方山流入平壽縣積而為

渚水盛則北注東南流屈而東北流逕平壽縣故城

西而北入丹水謂之魚合口丹水又東北逕望海臺

東東北注海蓋亦縣所氏者也

又北過臨胸縣東

巨洋水自朱虛北入臨胸縣熏冶泉水注之水出西

溪飛泉側瀨于窮坎之下泉溪之上

全核方經注 卷三
卽石膏山也山麓三成壁立直上山上有石鼓鳴
則年凶郭緣生續述征記曰逢山在廣固南三十
里有祠并石鼓齊地將亂石人輒打石鼓聲聞數
十里

洋水歷其陰而東北流世謂之石溝水東北流出于
委粟山北而東注于巨洋謂之石溝口然是水下流
亦有時通塞及其春夏水泛川瀾無輟亦或謂之爲
龍泉水地理志石膏山洋水所出是也今于此縣惟
是瀆當之似符羣證矣巨洋水又東北得邳泉口泉
源西出平地東流注于巨洋水巨洋水又北會建德

水水西發逢山阜而東流入巨洋水也

又北過劇縣西

巨洋水又東北合康浪水水發縣西南嶼山

無事樹木而具峭孤峙噴岈分立左思齊都賦曰
嶼嶺鎮其左是也

康浪水北流注于巨洋巨洋今按趙有水字又東北逕劇縣

故城西

古紀國也春秋莊公四年紀侯不能下齊以與弟
季大去其國違齊難也後改曰劇故魯連子曰胸
劇之人辯者也漢文帝十八年別爲菑川國後并

北海漢武帝元朔二年封菑川懿王子劉錯爲侯
國王莽更之曰俞縣也城之北側有故臺臺西有
方池晏謨曰西去西城九十七里耿弇破張步于
菑追至巨洋水上僵尸相屬卽是水也

巨洋水又東北逕晉龍驤將軍幽州刺史辟閭渾墓
東而東北流

墓側有一墳甚高大時人咸謂之爲馬陵而不知
誰之邱壟也

巨洋水又東北逕蓋縣故城東

王莽更之曰滌蕩也晏謨曰南去齊城五十里司

馬宣王伐公孫淵北徙豐人住于此城遂改名爲
南豐城也

又東北積而爲潭枝津出焉謂之百尺溝西北流逕
北益都城也今按戴無此字

漢武帝元朔二年封菑川懿王子劉胡爲侯國

又西北流而注于巨淀矣

又東北過壽光縣西

巨洋水自巨淀湖東北流逕縣故城南

王莽之翼平亭也漢光武建武二年封更始子鯉
爲侯國城之西南水東有孔子石室故廟堂也中

有孔子像弟子問經既無碑誌未詳所立按于欽

之言非也乃是倉頡墓中石室○趙本引全氏校語

巨洋今按趙又東北流堯水注之水出劇縣南角崩

山

即古義山也俗人以其山角若崩因名為角崩山

亦名為角林山皆世俗音譌也水即蕤水矣地理

志曰劇縣有義山蕤水所出也

北逕嶼山東

俗亦名之為青山今按趙矣

作水

堯水又東北逕東西壽光二城間

應劭曰壽光縣有灌亭杜預曰在縣東南斟灌國

也又言斟亭在平壽縣東南平壽故城在白狼水

西今北海郡治

水上承營陵縣之下流東北逕城東西入別畫湖亦

曰朕懷湖湖東西二十里南北三十里東北入海斟

亭在溉水東水出桑犢亭東覆甌山

亭故高密郡治世謂之故郡城

山謂之塔山水曰鹿孟水亦曰戾孟水皆非也地理

志曰今按戴桑犢故亭今按戴無北海之屬縣矣有

覆甌山溉水所出北逕斟亭西北合今按趙無此字

白狼水

按地理志北海有斟縣京相璠曰故斟尋國禹後西北去灌亭九十里

漑水又北逕寒亭西而入別畫湖

今按趙無此五字

郡國志曰平壽有斟城有寒亭

今按趙無此大字而有在斟城東四

宇薛瓚漢書集注云按汲郡古文相居斟灌東郡

灌是也明帝以封周後改曰衛斟尋在河南非平壽也又云太康居斟尋羿亦居之桀又居之尙書序曰太康失國兄弟五人徙于洛汭此即太康之居為近洛也余考瓚所據今河南有尋地衛國有

觀土國語曰啟有五觀謂之姦子五觀蓋其名也

所處之邑其名曰觀皇甫謐曰衛地又云夏相徒

帝邱依同姓之諸侯于

今按趙有斟觀二字

斟尋氏即汲冢

書云相居斟灌也既依斟尋明斟尋非一居矣窮

后既仗善射篡相寒

今按趙作韓下同

泥亦因逢蒙弑羿

即其居以生澆因其室而有豷故春秋襄公四年

魏絳曰澆用師滅斟灌及斟尋氏處澆于過處豷

于戈是以伍員言于吳子曰過澆殺斟灌以伐斟

尋是也有夏之遺臣曰靡事羿羿之死也逃于鬲

氏今鬲縣也收斟灌斟尋二國之餘燼殺寒泥而

立少康滅之有窮遂亡也是蓋寓其居而生其稱
 宅其業而表其邑縱遺文浴禱亭郭有傳未可以
 彼有灌日謂專此為非捨此尋名而專彼為是以
 土推傳應氏之據亦可按矣按吳仁傑曰原二樹
 以為壽光平壽縣按靡奔有鬲以收二國餘燼鬲
 在平原與北海近則應說是鬲奈何曰汲冢書有之
 在平原則瓚說亦是然則其歸奈何曰汲冢書有之
 太康居斟尋羿亦居之太康失邦而奔斟尋斟尋
 本在河南羿伐之乃棄國而保平壽所以有二城
 不然斟尋未滅羿安得而居之相居在東郡之觀
 而北海亦有灌亭正類是而後又以滄于縣為故
 斟灌國其非一地可知乃必欲以畔觀為斟灌至
 此依違兩可復不盡非應說亦頗困矣○趙本引全氏校語

堯水又東北注巨洋

伏琛晏謨並言堯嘗頓駕于此故受名焉非也地
 理志曰蕤水自劇東北至壽光入海沿其徑趣即
 是水也

又東北入于海

巨洋水東北逕望海臺西東北流

伏琛晏謨並以為平望亭在平壽縣故城西北八
 十里古縣又或言秦始皇升以望海因曰望海臺
 未詳也按史記漢武帝元朔二年封菑川懿王子
 劉賞為侯國

又東北注于海也

汶水

汶水出朱虛縣泰山

山上有長城西接岱山東連琅邪巨海千有餘里
蓋田氏之所造也竹書紀年梁惠成王二十年齊
築防以爲長城竹書又云晉烈公十二年王命韓
景子趙烈子翟員今按趙無此二字而有及我師三字伐齊入長城
史記所謂齊威王越今按趙作日趙侵我伐長城者也
伏琛晏謨並言水出縣東南嵒山山在小泰山東者
也

北過其縣東

汶水自縣東北逕郚城北

地理風俗記曰朱虛縣東四十里有郚城亭故縣
也

又東北逕管寧冢東

故晏謨言柴阜西南有魏獨行君子管寧墓墓前
有碑

又東北逕柴阜山北

山之東有徵士邴原冢碑誌存焉

汶水又東北逕漢青州刺史孫嵩墓西
有碑碣

汶水又東逕安邱縣故城北

漢高帝八年封將軍張敖為侯國地理志曰王莽

之誅鄧也孟康曰今渠邱亭今按趙有莒渠邱城四字是也伏

琛晏謨齊記並言莒渠邱此三字亭在安邱城

東北十里非矣今按趙作也城對牟山山之西南有孫

賓碩兄弟墓碑誌並在也

又北過濇于縣西又東北入于濇

故夏后氏之斟灌國也周武王以封濇于公號曰

濇于國春秋桓公六年冬州公如曹傳曰濇于公

如曹度其國危遂不復也

其城東北則兩川交會也

濇水

濇水出琅邪箕縣濇山

琅邪山名也越王勾踐之故國也勾踐并吳欲霸

中國徙都琅邪秦始皇二十六年滅齊以為郡城

即秦皇之所築也遂登琅邪大樂之山作層臺于

其上謂之琅邪臺臺在城東南十里孤立特顯出

于眾山上下周二十里餘傍濱巨海秦皇樂之因

留三月乃徙黔首三萬戶于琅邪山下復十二年

所築臺基三層層高三丈上級平敞方二百餘步

廣五里刊石立碑紀秦功德臺上有神淵淵至靈
焉人汙之則竭齋潔則通神廟在齊八祠中漢武

帝亦嘗登之漢高帝呂后七年以為王國文帝三
年更名為郡于文當作漢高后七年以封營陵侯呂澤為王國文帝元年更為郡方合

趙本引全氏校語王莽改曰填夷矣

濰水導源濰山許慎呂忱云濰水出箕屋山淮南子
曰濰水出覆舟山蓋廣異名也東北逕箕縣故城西
又西析泉水注之水出析泉縣北松山東南流逕析
泉縣東又東南逕仲固山東北流入于濰地理志曰
至箕縣北入濰者也濰水又東北逕諸縣故城西

春秋文公十二年季孫行父城諸及郚傳曰城其
下邑也王莽更名諸并矣

濰水又東北涓水注之水出馬耳山
山高百丈上有二石並舉望齊馬耳故世取名焉
東去常山三十里涓水發于其陰

北逕婁鄉城東
春秋昭公五年經書夏莒牟夷以牟婁防茲來奔
者也又分諸縣之東為海曲縣故俗人謂此城為
東諸城

涓水又北注于濰水

全水經注 卷三
東北過東武縣西

縣因岡爲城城周三十里漢高帝六年封郭蒙爲侯國王莽更名之曰祥善矣

又北左合扶淇之水水出西南常山東北流注濰晏今按趙本作晏謨伏琛並以濰水爲扶淇之水以扶淇之水

爲濰水非也按經脈誌濰自箕縣北逕東武縣西北流合扶淇之水晏謨伏琛云東武城西北二里濰水者卽扶淇之水也濰水又北右合盧水卽久台水也地理志曰水出琅邪橫縣故山

王莽之令邱也山在東武縣故城東南世謂之盧

山也

西北流逕昌縣故城西東北流

齊地記曰東武城東南有盧水水側有勝火木方俗音曰櫟子其木經野火燒死炭不滅故東方朔云不灰之木者也

其水又東北流逕東武縣故城東而西北入濰地理志曰久台水出今按戴無此字東南逕今按戴作至東武入濰者也尙書所謂濰淄其道矣

又北過平昌縣東

濰水又北逕石泉縣故城西

王莽之養信也地理風俗記曰平昌縣東南四十里有石泉亭故縣也

濰水又北逕平昌縣故城東荆水注之水出縣南荆山阜東北流逕平昌縣故城東

漢文帝封齊悼惠王肥子卬

今按趙作劉永而辨之為侯國

按善長蓋以為琅邪而索隱則曰平原正義則曰上谷質之地志平原之平昌曰侯國則索隱是也若上谷則誤城之東南角有臺臺下有井與荆水以為昌平矣

通物墜于井則取之荆水昔常有龍出入于其中故世亦謂之龍臺城也

荆水又東北流注于濰濰水又北浯水注之水出崞

山

世謂之巨平山也

地理志曰靈門縣有高原山與崞一山

今按戴無此四字而有壺

山二字浯水所出東北入濰今是山西接崞山許慎說

文言水出靈門山世謂之浯汶矣其水東北逕姑幕

縣故城東

縣有五色土王者封建諸侯隨方受之故薄姑氏

之國也闕駟曰周成王時薄姑與四國作亂周公

滅之以封太公是以地理志曰或言薄姑也王莽

曰季睦矣應劭曰左傳曰薄姑氏國太公封焉薛

瓚漢書注云博昌有薄姑城未知孰是

浯水又東北逕平昌縣故城北古竭此水以溢溉田
南注荆水浯水又東北流而注于濰水也

又北過高密縣西

應劭曰縣有密水故有高密之名也然今世所謂百
尺水者蓋密水也水有二源西源出奕山

亦曰障日山山勢高峻隔絕陽曦晏謨曰山狀障
日是有此名伏琛曰山上障日故名障日山也

其水東北流東源出五弩山西北流同瀉一壑俗謂
之百尺水古人竭以溉田數十頃北流逕高密縣西

下注濰水自下亦兼通稱焉亂流歷縣西碑產山西
又東北水有故堰舊鑿石豎柱斷濰水廣六十許步
掘東岸激通長渠東北逕高密縣故城南

明帝永平中封鄧震爲侯國

縣南十里蓄以爲塘方二十餘里古所謂高密之南
都也溉田一頃許陂水散流下注夷安澤濰水自堰
北逕高密縣故城西

漢文帝十六年別爲膠西國宣帝本始元年更爲
高密國王莽之章牟也

濰水又北

昔韓信與楚將龍且夾濰水而陣于此信夜令爲萬餘囊盛沙以遏濰水引軍擊且僞退且追北信決水水大至且軍半不得渡遂斬龍且于是水水西有厲今按趙作礪阜阜上有漢司農卿鄭康成冢石碑猶存

又北逕昌安縣故城東

漢明帝永平中封鄧襲爲侯國也郡國志曰漢安帝延光元年復也

又北過濇于縣東

濰水又北左會汶水北逕平城亭西又東北逕密鄉

亭西

郡國志曰濇于縣有密鄉地理志皆北海之屬縣也應劭曰濇于縣東北六十里有平城亭又四十里有密鄉亭故縣也

濰水又東北逕下密縣故城西

城東有密阜地理志曰有三戶山祠余按應劭曰密者水名是有下密之稱俗以之名阜非也

又東北過都昌縣東

濰水東北逕逢萌墓

萌縣人也少有大節恥給事縣亭遂浮海至遼東

復還在不其山隱學明帝安車徵萌以佯狂免

又北逕都昌縣故城東

漢高帝六年封朱軫為侯國北海相孔融為黃巾

賊管亥所圍于都昌也太史慈為融求救劉備持

的突圍其處也野志曰百三十三山障余疑融曰

又東北入于海設不齊縣故城西

膠水

膠水出黔陬縣膠山北過其縣西里百平社亭又四十

齊記曰膠水出五弩山蓋膠山之殊名也北逕祝茲

縣故城東

漢武帝元鼎中封膠東康王子延為侯國

又逕扶今按趙縣故城西魯縣故城西

地理志琅邪之屬縣也漢文帝元年封呂平為侯

國按漢表作扶柳侯索隱曰信都而此篇但作扶

則琅邪也但呂平是高后元年封亦不合乃善

膠水又北逕黔陬縣今按戴故城西無此字

袁山松郡國志曰縣有介亭地理志曰故介國也

春秋僖公九年介葛盧來朝聞牛鳴曰是生三犧

皆用之問之果然

晏謨伏琛並云縣有東西二城相去四十里有膠水

非也斯乃柜艾水也水出縣西南柜艾山即齊記所謂黔艾山也東北流逕柜縣故城西

王莽之祓同也世謂之王城又謂是水為洋洋今按

戴僅一水矣

又東北流今按趙晏伏所謂今按趙黔陬城西四十

里有膠水者也今按此八又東入海地理志曰琅邪

有柜縣根今按趙艾水出焉東入海即斯水也今按

趙無膠水北流今按趙逕今按趙有晏今按西黔陬城東

晏伏所謂今按趙無今按趙高密郡側有黔陬縣也今按

俱無此字今按趙無今按趙高密郡側有黔陬縣也今按

地理志曰膠水出邦縣王莽更之純德矣疑即是縣所未詳也

又北過夷安縣東水東北

縣故王莽更名之原亭也應劭曰故萊夷維邑也

太史公曰晏平仲萊之夷維之人也漢明帝永平

中封鄧珍為侯國西去濰水四十里

膠水又北逕膠陽縣東晏伏並謂之東亭自亭結路

南通夷安地理風俗記曰瀘于縣東南五十里有膠

陽亭故縣也又東北流左會一水世謂之張奴水水

發夷安縣東南阜下西北流歷膠陽縣注于膠膠水

之左今按戴有為澤渚三字東北百許里謂之夷安

潭潭今按趙有澤二字周四十里亦濰水枝津之所注也膠

水又東北逕下密縣故城東又東北逕膠東縣故城

西漢高帝元年別為國而以此實項王事也蓋分三齊

趙本引全景帝封子寄為王國王莽更之郁祱今

氏校語也今長廣郡治

伏琛晏謨言膠水東北迴達于膠東城北百里流注

于海漢書地理志

又北過當利縣西北入于海王莽更之縣新矣潁川

縣故王莽更名之為今按趙東萊亭也重刻

又北逕平度縣

漢武帝元朔二年封菑川懿王子劉衍為侯國王

莽更名之曰利盧也

縣有土山膠水北歷土山注于海海南土山以北悉

鹽坑相承修煮不輟北眺巨海杳冥無極天際兩分

白黑方別所謂溟海者也故地理志曰膠水北至平

度入海今按趙也曲成陽邱山之治水何以得至沂

邱山南入海不云至沂也此水但當于膠濰之間入

海不應間關二千里歷濟淮二瀆至沂入海自續志

晉魏史志及李氏元和樂氏太平王氏元豐諸志又

昔無曲成治水之目則大可疑者竊謂出陽邱山者

非治水也乃沽水也左氏傳姑尤以西杜元凱曰姑
大沽水也尤小沽水也魏書地形志東萊郡長廣縣
有沽水寰宇記云沽尤即齊界然則漢志所云南至
沂者亦非沂也乃計斤之脫誤耳漢之曲成在金掖
縣小沽水出焉其東則黃縣大沽水出焉逕福山而
招遠而萊陽至于平度即墨之間而合流三百餘里
自東而南直趨膠州之麻灣口明世議海運口者之
道也故其時嘗有議東引沽河者其入海之處正漢
計斤縣地東萊之水未有大于沽河者亦未有古于
沽河者次之則清陽水耳漢志說文皆誤以為治水
而沽之名隱矣此與泰山郡南武陽冠石山之治水
截然不同故分疏之如此。梓材案趙本引全氏此
語于膠水篇末蓋漢志云曲成縣陽邱
山治水所出南至沂入海故全氏糾之

水經注第二十四終 後學王梓材校董沛重校

